

東
華
續
錄

光緒六十八

臣朱壽朋敬編

臣張毓英恭校

光緒十一年乙酉春正月辛丑朔元旦節寅刻 上詣 奉先殿行禮叩刻詣 聖人堂 樂王前拈香
辰刻詣 慈寧宮行禮御中和殿受禮太和殿受賀已刻詣 大高殿 壽皇殿行禮御乾清宮賜宴○
癸卯 上詣 壽皇殿行禮○諭軍機大臣等據曾國荃電稱劉秉璋擬令南洋三船駛回等語南洋各
船本為援臺調撥仍應相機東渡由浙由閩酌度水道所宜妥慎前進北洋二快船前因朝事未能與各
船合行已失機會現在臺事萬緊自當力籌援救著李鴻章選派得力將弁統帶南行以壯聲勢澄慶馭
遠二船實在下落速探電聞○李鴻章電致總理各國事務衙門頃桂撫潘二十八日來電法眾上犯大
戰於諒山之南威坡地方日夜鏖戰新親率淮部會同蘇元春力剿惟援軍未至精銳多損猛將陳嘉受
傷糧械不繼危迫之至軍情瞬變請飭各軍均暫聽調派新勘云云請代奏 上諭軍機大臣等李鴻章
轉電潘鼎新電稱法眾上犯日夜鏖戰等語諒山軍情緊要潘鼎新身臨前敵王德榜王孝祺等軍著均
聽候調遣以一事權馮子材著幫辦廣西關外軍務所統各營亦歸潘鼎新調派該幫辦等務當

和衷協力迅速圖功備各軍不遵調度卽嚴參治罪陳嘉受傷曾否平復殊深慮系宣光業已得手藩岑毓英嚴飭丁槐唐景崧劉永福等軍指日攻克勿稍鬆勁○甲辰 上御紫光閣賜廷臣筵宴○諭欽恤庶獄仁政所先囑稽乾隆十一年 高宗純皇帝特頒省刑諭有大沛恩施溯查嘉慶十一年道光十一年咸豐十一年同治十一年均欽奉 綸音遠紹前徽頒行曠典朕欽奉 慈禧端佑康頤昭豫莊誠皇太后垂簾訓政仰見 聖慈惠愛黎元虛懷宵旰祇承 懿訓勤求治理惟願天下乂安萬物得所茲當紀年開秩允宜謹循成憲以示矜恤而召祥和所有刑部及各省已經結案監禁人犯除情罪重大及常赦所不原者毋庸查辦外其餘著大學士會同刑部酌量案情輕重分別請旨減等發落其軍流徒杖以下人犯一併分晰減等完結俾沾寬大之恩勉圖自新之路用副朕子惠兆民法外施仁至意○乙巳諭軍機大臣等聞諒山失事局勢憤懣著潘鼎新將情形迅卽電奏該撫與蘇元春馮子材當督軍擇要穩紮激勵將士迅速進取倘不能振奮圖功貽誤大局自問當得何罪王德榜軍曾否接仗嚴飭實力會剿王孝祺率隊赴諒現抵何處著催令進兵前據岑毓英電稱宣光旦夕可拔近日戰事若何未據電奏法如盤踞諒山計必分兵救宣雲軍重克之功恐將掣動著飭各軍立將該城攻克掃蕩而前以分敵勢一面卽行電聞雲粵各軍調掣張之洞力籌接濟毋任缺乏○諭軍機大臣等南洋五船被法船在浙洋圍

困必須基隆告捷法船回救我船方可乘隙前駛刻下臺北兵力較厚孤拔又帶船他往正可乘勢進剿劉銘傳何以一味株守毫無布置著懷遵疊次嚴諭勉日進兵士乃既屬可用當飭與官軍會同進剿以資得力務期戰勝攻取用副委任隨再遲延貽誤惟有執法嚴懲決不寬貸楊岳斌程文炳兩軍催速渡臺不准逗留左宗棠楊昌溶將援臺各軍實力籌辦並接濟餉械毋缺前撥撥臺諸軍究竟已渡若干日久未據奏報當此事機緊急迫仍有湘淮畛域之見不能和衷協力妥籌援剿致臺北孤危貽誤大局定惟左宗棠等是問該大臣等電報稱簡著隨時詳悉電奏以慰厝系初三日諭左宗棠於所借洋款內分濟臺軍如何撥撥即行電聞○丙午諭御史吳昉奏聖學日新亟宜杜漸防微上年鄧承修疏內恭錄 聖訓原摺不應擲還等語所見似是而非臣工陳奏事件專以持論之是非爲斷所言果是則猶抒己見朝廷無不虛衷採納或立予施行或留備觀覽若誠解紕繆措辭失當豈能因摺內有恭引 聖訓數語遂可寬其責備鄧承修前奏矯激沽名挾私揣測是以將原摺擲還前降諭旨甚明吳昉並不詳細尋繹輒以擲還二字勉強牽合謬附糾纏其居心殊不可問自徐致祥降調樊恭煦言之樊恭煦被譴鄧承修言之今該御史又有此奏託爲思深慮遠之詞仍是門戶黨援之習立說雖巧亦難逃洞鑒也吳昉著傳旨嚴行申飭○諭軍機大臣等吳大澂奏籌辦朝鮮善後事宜一摺檄由秦省籌款添設電綫自旅順接至

鳳凰城邊門外交界由邊界至朝鮮國都該國亦頗樂從等語著李鴻章慶裕吳大澂通盤籌畫會商妥議奏明辦理○戊申 上諭 太廟行禮○予故總兵何世華卹例議卹○己酉時享 太廟遣載敦恭代行禮○以丁槐爲貴州古州鎮總兵○壬子賜醇親王奕譞第六子名載洵○癸丑諭軍機大臣等岑毓英張之洞電稱滇粵各軍力攻宣光苦戰不退等語官軍奮勇進攻深堪嘉尚著岑毓英鼓勵各將領將宣光剋期攻拔迅奏膚功據探敵援將到並聞有太原法兵圖犯宣光之說著督軍扼紮嚴密防範毋爲所乘○李鴻章電致總理各國事務衙門廣西撫潘電稱前接津粵來電均稱法兵日增圖犯諒山飭各軍戒備惟止此兵力分防太遠無可調撥法以全力專攻蘇元春聞十晝夜至威坡猶鏖戰兩日賊尸遍地已不得已空諒山之防率隊往助是日統將陳嘉蘇元瑞淮將董照高葉家祥同時受傷營員弁勇傷亡千餘二十九日賊至諒山我軍損折過多糧彈俱盡焚城而退分紮諒界及關口初三日法犯巴坪一戰克之連日整隊分途進取蘇元春等實係血戰力竭並非不戰而退王德榜楊玉科分防在百數十里外一時赴援不及馮子材王孝祺新軍初到糧械不齊均屬情有可原如再攻剿不力擬電請督臣嚴參至 臣身在前敵不能先事豫防致有疏失咎無可辭應請 旨將 臣交部治罪迅簡賢員挽回危局再馬盛治前克多福府據報十二月二十五六日太原法兵巨夥恐犯宣光後路現已撤回新街祈逆總

署代奏又電桂撫潘初十來電初九法衆犯鎮南關楊玉科標之蘇元春紮於關右鏖戰一日之久殺敵甚多至申刻楊玉科中礮陣亡營員哨弁傷亡亦多該軍潰退幸蘇元春連日獲勝法未敢深入王孝祺許次日挑四成隊來助馮提王藩司均未見到彼衆我寡獨力難支又十一來電新左肘受傷楊軍潰散馮子材王德榜二十八營飛催不至聖肘萬分惟一死以報 國恩云云請代奏 上諭軍機大臣等潘鼎新疊次電奏蘇山失守並法衆犯鎮南關等語所請治罪之處著潘鼎新即將詳細情形具摺馳奏再降諭旨並著該撫帶罪圖功督飭各軍擇要扼紮竭力守禦倘該撫及各統領不能妥防籌剿再有退挫致敵蹤深入邊境卽從重治罪蘇元春連日鏖戰獲勝現雖退紮蘇府軍勢尙可復振務當與潘鼎新扼險駐軍力圖堵剿李秉衡近在龍州著隨同該撫籌辦軍事馮子材王德榜經潘鼎新飛催不至可恨已極著張之洞潘鼎新傳旨嚴催援剿倘再玩延卽照軍法從事潘鼎新前電稱馬盛治克多帖府續電又稱馬盛治克多福府兩歧著查明電奏○甲寅刑部奏前據新疆巡撫劉錦棠等會奏新疆遣犯酌量變通一摺經臣部議令將秋審免死人犯一項發往助興屯田奉 旨依議欽此當經鈔錄原奏咨行該撫等遵照在案現在臣部欽奉 恩旨查辦減等自應卽照前議將各直省免死准減人犯悉行改發新疆以符奏章惟是此等人犯各省合計不下數千再加敘同之妻室子女數已逾萬若悉行發往一切車輛

口糧沿途地方官既恐支應不易而人數眾多道途擁擠防範難周或致別滋事端且新疆屯政甫經舉辦一旦發往多人亦慮卽難安插不能不酌籌調劑之方庶得從容就理查陝甘山西四川距新疆道里均不甚遠其直隸山東河南雖距彼稍遠而風土情形尙不甚懸殊擬請先儘此七省人犯陸續發往新疆酌撥開屯其餘各省仍照軍流成例定地發配如果數年後該處屯田大興耕作需人再行奏請酌量添發如此則屯政既可漸修而辦理亦無虞滯礙矣得 旨如所議行○乙卯 上詣 奉先殿 壽皇殿行禮 升保和殿賜蒙古王公筵宴○丁巳諭軍機大臣等吳大澂已否到津著卽來京覆命日使不日北來應如何妥籌因應著與李鴻章詳細會商到京而奏用備采擇○許景澄奏臣於九月初九日奉 旨前經李鳳苞在德國訂購鐵甲船二隻現在許景澄已到該國著卽將所購鐵甲船詳細勘驗等因欽此欽奉前因當卽附片奏明請俟呈遞 國書後馳赴海口辦理在案嗣准李鳳苞送交兩船華洋文合同及德海部來往書函監工鄭清濂陳兆翱等報單等件臣於九月二十七日率同參贊朱宗祥繙譯官廣音泰隨員楊兆烈附火車行抵德國漢耳海口爲定遠鎮遠兩船停泊之所臣卽在船住宿俾同原監工陳兆翱等連日閱視將兩船工料查勘大概旋奉李鴻章電傳 諭旨飭臣與李鳳苞定購鎮遠於十月初一日暫回商辦初十日偕李鳳苞復赴船所臣又詳加查核並派協同管駕劉步蟾等隨同逐處

點驗查定遠鎮遠雖先後造成所訂尺寸程式則一律相同茲勘得船身長九十四邁當半合營造部尺三百尺五寸一分船面中腰寬十八邁當三合五十八尺一寸九分船面至底深八邁當四合二十六尺七寸一分入水全重數深六邁當合十九尺八分船底鐵板以上相距一邁當餘有雙層底鐵板用龍骨脊板上下抵連又用直肋橫脊縱橫相架截成隔堵五十八格使臨戰時船底偶有觸損水入不能通溜雙層底之上分上中下艙三層下艙面前後用雙層板為平鐵甲與中段鐵甲倏切連抵準水線之下所以蔽護全船敵彈不能深穿中艙上艙均用鐵板為面其在鐵甲倏內之上艙面則用雙層鐵板機器艙開口處另以鐵柵蓋護可禦敵彈之下墜上中下艙各以鐵板橫直成壁為隔艙大小一百五十間為受彈時水溜之備各艙面皆有工字丁字式橫梁承架為四通船鐵板端縫連接或自相搭合或用角鐵搭條均用三行雙行單行等帽釘勻密釘連核對合同均能如式此兩船船身之所驗情形也船之中腰用鋼面鐵甲圍環為堡前後長四十三邁當半合一百三十八尺三寸三分兩旁則下過水線上至艙面機器艙子藥房均在堡內堡之上為圓式斜連鐵臺又上為號令臺均圍以鐵甲兩鐵臺各有三十零半生的內徑兩尊臺上加護鐵蓋臺內有轉礮磨盤用壓水機力運轉能使四礮一面並放且飭將礮盤試轉尚為靈便此鐵甲堡內布置之所驗情形也艙內氣機用康邦平臥新式左右兩副各有

螺輪旋轉每副有三氣筒大抵力外分小抵力爲二箇各用返摺搖桿以取簡便水鍋八座配用煙囪二具大爐二十四門足以多受漲力現在船雖久停管輪洋人仍將機軸日常運動點視各件均無銹蝕此機器之所驗情形也通盤之內有吸水總管九具分管九十三具換氣機器四座前後鐵桅兩枝電氣機器定遠三座鎮遠二座藥房機艙盤兩桅盤皆可用電法燃燈船首尾有五十生的內徑礮兩尊魚雷三具兩礮均用鐵板圓蓋通船有哈吃克司礮架十具附船有水雷艇兩隻置備均爲周密此全船裝配之所驗情形也至兩船工料尙有已經裝合無由目驗者一爲鐵甲堡之鐵甲全堡甲板外敷油漆內用墊木又用雙層板釘連除鐵甲門孔可以驗測外其餘甲板本質不能窺見一爲下艙面之平鐵甲一爲船底之外板下艙平鐵甲全面釘連船底板外層貼水內層邊縫微露均難確知其原數查合同載鐵甲堡內定遠全用鋼面鐵甲鎮遠下條准用熟鐵均上厚十四英寸下厚十二寸至八寸每一英寸合部尺七分九釐光合縫用螺釘緊捻艙甲雙層共厚七十五密里船板厚十七密里遞減至十五密里每十密里合部尺三分一八所訂本爲詳密也 因咨詢李鳳苞原驗情形是否悉照合同旋據搜檢鐵甲經德海部派員驗剔船底外板等件經監工鄭清濂等抽驗批試李鳳苞隨時覆查悉與合同相符堅固可恃等因臣復檢查海部驗收鐵甲信函鄭清濂等驗鐵報單就以上三處工料參互攷核尙可憑信又合同載每

船實馬力六千匹每小時速率行十四海里半據李鳳苞所述曾經親試駕駛速率有贏演試職位並無
震損之弊現在北澳已凍該船水勇不齊未能出海應俟將來開行時再加覆驗臣旋與李鳳苞商定
以該兩船現停無事酌減洋管駕等薪水於已減水手人數復加裁遣以節經費勘驗既畢臣與李鳳苞
於二十日馳回柏林旋准移交文牘卷宗保險單及兩船另購器件帳冊當將在船購件飭管駕洋員點
明收管臣於拜摺後即將鎮遠定遠兩船接管以後應辦事宜當與總理衙門北洋大臣隨時咨商俾有
遵守得 旨知道了著許景澄妥為接管隨時察看整頓毋任銹壞一俟海道通行即遴派委員將該二
船駕駛來華該衙門知道片併發○許景澄奏據李鳳苞咨稱定遠鎮遠兩鐵甲船之外有濟遠鋼艦一
隻亦經該大臣始終督率查驗工料於本年七月詳試速率演放礮械按照合同驗收現在寄泊德國士
旦丁海口日後須隨同鐵甲船回華請一併接管等因並將合同圖幅送交前來臣查濟遠鋼艦前經李
鴻章奏明由李鳳苞與德國伏耳鐸廠訂立合同始終督率成造驗收現李鳳苞業經交卸自由臣一
併暫為驗收因於勘驗兩鐵甲船之便繞赴士旦丁海口將該鋼艦查照合同經李鳳苞逐細點交得
有覽○己未 上幸西廠子闕煙火○辛酉諭軍機大臣等張之洞電奏鎮口法船受傷而遁目前必不
能來宜速調北洋快船兩艘護以划船三艘飛速南下與我三船合勢相機戰守等語開濟等三船在鎮

口依傍礮臺合擊法船頗爲得力放洋禦敵兵力尙單如調北洋戰艦前往會合聲勢自壯惟法人有續
添兵艦之信中途設遇戰事尤須加意慎重著李鴻章妥爲籌畫卽行電奏○岑毓英奏臣於光緒十年
十二月初十日曾將添派官軍進攻宣光並招王玉珠收復山西省屬之美良縣地方各情恭摺奏報在
案查宣光城外村寨敵均紮有營壘礮臺扼要抗拒必須先行掃除攻城方易得手臣督飭記名總兵丁
槐設法攻取該總兵帶同所部各營員弁紮連營十數座圍逼南門外敵營約會五品卿銜主事唐景崧
記名提督曹汭鎮總兵何秀林出隊合擊十一日五鼓丁槐帶所部營官副將木達春都司王世雄攻大
寺敵營副將李福興參將陸福泉攻大寨敵營均於黎明填濬挖牆而進法人倉卒迎敵總兵黃河洲遊
擊張世榮參將謝有功遊擊馬中駁都司何儒林馬起鴻楊春標等分帶各隊左右抄擊敵兵死傷百餘
紛紛潰散立將敵營攻破城內法人啟中門大股出來救援主事唐景崧督率所部營官參將王寶華張
金泰談敬德都司盧貞鄒培等帶隊由北門橫擊提督何秀林督率所部營官副將李章參將馬維祺姜
開寶等帶隊由東面夾攻同丁槐會合與敵惡戰粵軍營官談敬德中礮陣亡王寶華盧貞俱帶重傷唐
景崧督戰愈力演軍陣亡哨弁馬白桂一員營官謝有功楊春標均帶鎗傷何秀林丁槐在城邊督隊被
法人開花礮彈炸死親兵十數人仍督飭各軍有進無退戰至亥刻敵死傷甚衆大敗入城因城邊尙有

敵營礮臺丁槐與唐景崧何秀林會商各營所部弁勇一面紮營圍攻一面開挖地道以草捆更番迭進至十五日午刻翻抵敵營濠邊丁槐督同所部營官陸鳴皋邵洪盛等哨弁楊鍾祥等帶隊填濠敵傾城出救唐景崧何秀林復督隊夾攻法人鎗礮如雨官軍奮不顧身併力兜剿斃法兵五六百人敵大潰當將城邊敵營礮臺一概掃除生擒逃匪二百餘人救出難民一千餘人據供城內法酋有五畫一名一畫至四畫各三名十一日之戰五畫已中礮斃又斃一畫二名四畫一名法兵斃數百名教匪死傷尤多十五日之戰法酋法人死亡甚多敵膽已寒我之演軍陣亡營官都司何天發哨弁桂尙朝演軍粵軍共陣亡勇丁一百餘名帶傷勇丁二百餘名而將士奮勇爭先銳氣百倍自十五日至廿官軍皆在城邊晝夜開挖地道並未收隊敵山城垛以鐵鉤官軍旗幟被官軍奪鉤以鎗狙擊敵不敢露面死守城內鐵礮臺多用洋料瓶裝書用蠟封口由城河流出欲往河內等處催趕援兵皆爲官軍截獲敵勢極爲窮蹙上又派督帶開花礮隊記名總兵雷應山副將陸得成解礮前往並函商唐景崧丁槐何秀林擊以大礮轟以地雷務期早日蕩平仍凜遵 聖訓解散脅從如繳械投誠准其効力贖罪以彰 朝廷寬大之德至法援來路必過左域浪泊珂嶺等處臣前派記名提督劉永福帶所部各營扼紮左域力堵水路敵船已不能來往其浪泊珂嶺亦有記名提督楊國發副將楊發貴等駐防本月十三日家喻關法人來攻錦溪縣

十八日興化法人又來攻臨洮府屬山園吐欲分兵勢經記名總兵覃修綱督飭清波各防營會同越南興化巡撫阮光碧山西布政使阮文甲正領兵張文舉等先後將敵擊退生擒敵兵四名解營訊明正法家喻關之敵恐官軍抄其後路已退回興化臣現添撥滇粵各勇共四千餘人交覃修綱統帶進紮家喻關並分紮緬旺聯絡各處義勇招撫難民相機進取昨據派往美良縣查探之軍功李應珍面稟本月十六七等日河內山西法人教匪約共千餘人往攻美良已經王五珠等擊殺百餘人並奪獲輜重等件目下各處民心響應仰仗 天威早將宣光克復即可分道進兵規復各城以期仰答 高厚於萬一上諭軍機大臣等岑毓英奏宣光軍情已悉丁槐唐景崧督隊猛攻均屬奮勇仍須穩慎進攻相機克復庶不至多傷精銳至力扼敵援尤關緊要著岑毓英督飭劉永福等嚴扼端雄珂嶺一帶要路認真截擊使彼族不能聯為一氣攻則自易得手○甲子諭朕奉 慈禧端佑康頤昭豫莊誠皇太后懿旨三載考績為國家激揚大典中外滿漢諸臣有能恪共職守勞勩最著者允宜特加獎敘以示優容茲當京察屆期吏部開單題請詳加披閱禮親王世鐸大學士額勒和布協辦大學士戶部尚書圖敬銘刑部尚書張之萬刑部右侍郎許庚身工部左侍郎孫毓汶襄贊樞廷小心謹慎辦理庶務悉臻妥協均著交該衙門議敘大學士直隸總督李鴻章經畫遠猷克膺重任大學士左宗棠老成碩望勞瘁不辭兵部尚書彭玉麟

督師嶺嶠保障宣勞均著交部從優議敘兩廣總督張之洞籌辦軍事不分畛域四川總督丁寶楨久膺
疆寄任事實心甘肅新疆巡撫劉錦棠鎮撫邊陲才猷卓著均著交部議敘兩江總督曾國荃夙著勦勦
辦事諳練著開復革職留任處分雲貴總督岑毓英果勇性成不辭艱險著開復降二級留任處分餘著
照舊供職○乙丑諭軍機大臣等日本使臣計將到津李鴻章熟悉中外交涉情形必能妥籌因應本日
已有旨派李鴻章爲全權大臣卽著該督與日使在津商議事務吳大澂係原派前往朝鮮查辦之員並
著會同商議此次朝鮮亂黨滋事提督吳兆有等所辦並無不合前據徐承祖電稱日人欲我懲辦在朝
武弁斷不能曲徇其請著李鴻章等設法堅拒其餘商議各節該大臣等務當妥爲籌畫斟酌機宜與之
辨論隨時請旨遵行○諭御史張廷燦奏京師城外白雲觀每年正月間燒香賽會男女雜沓並有託爲
神仙之說怪誕不經等語僧道造言惑眾及婦女入廟燒香均干例禁嗣後著該管地方官嚴行禁止其
餘京城內外各寺觀如有燒香賽會與此相類者亦著隨時查禁以端風化而正人心○內寅諭軍機大
臣等據盛宣懷電稱浦城至福州兩綫俱斷飛催查修等語電綫關係緊要難保無奸宄有意摧折亟應
隨時防護免致貽誤戎機著李鴻章會同國荃飛咨各該督撫提鎮嚴飭文武認真保護各營汛加意巡修
如有疏誤卽行查參○諭軍機大臣等岑毓英電稱滇軍糧餉艱難鮑超一軍到開化宜出保樂往防牧

馬保樂糧多如桂軍出攻諒山亦可夾擊等語所籌甚妥著岑毓英飛咨鮑超迅由開化東趨保樂力顧
牧馬一路使桂軍與宣光城外各軍聲息相通并以截斷敵援應如何相機進兵著岑毓英潘鼎新隨時
酌定知會鮑超辦理○諭此次京察引見京堂各官均著照舊供職○丁卯以維慶爲甘肅甯夏將軍○
乙巳諭軍機大臣等聞法救宣光劉永福等軍潰退丁槐等軍亦退紮尚未據岑毓英電報殊深懸系著
卽確查速奏並飭各統領扼要堅守與潘鼎新各軍力圖遏禦門戶毋稍疏虞○庚午諭禮部奏朝鮮國
王遣使李應漫恭齋謝恩表文來京代爲呈遞一摺據該國王奏請上年十月十七日夜逆臣金玉均樸
泳李洪英植徐光範徐載弼等謀爲不軌突入宮闈連戮大臣六人十九日政府因臣民齊憤請防營提
督吳兆有同知袁世凱總兵張光前率兵入護不料亂臣施放鎗礮傷亡四十餘人歷戰良久亂徒逃竄
宗社復存嗣蒙欽派大臣吳大澂續昌前往查辦現已肅事俄忽之間轉危爲安恩施再造感戴不朽等
語覽奏具見惻忱該國列在藩封世修職貢前於光緒八年特派官軍前往戡平禍亂當以該國大難甫
平人心未靖容念屬藩義應保護諭令留紮數營所以彈壓亂萌俾餘黨不致復熾詎知甫及兩年又有
此變事起倉猝提督吳兆有等就近援助赴機迅速亂黨洪英植等立即伏誅餘眾潰散藩邦底定深慰
朕懷至陣亡官兵忠勇捐軀殊堪嘉憫著照該國王所議附入原任廣東水師提督吳長慶祠春秋派員

致祭其所稱傷亡之兵丁應由該國議卹乞飭北洋大臣查明辦理等語朝廷字小爲懷體恤惟恐不至所有陣亡及受傷各官兵著李鴻章查明具奏請旨優予卹賞加恩無庸由該國議卹其奏表使臣仍著頒給徵費該國王尙其繼前慈後飭紀整綱任用賢能修明政事愛民治兵以重國本請信修睦以篤邦交於以永固屏藩長承恩眷朕實有厚望也該部將此傳諭知之○張凱嵩奏前准戶部咨開本部具奏各省軍流徒犯脫逃日眾亟應變通一摺內開各省安置軍流徒犯凡遇修城挖河負糧運炭一切力作之事能使各犯充當夫役量予工食時加編管不令散處或亦變通之一法請 旨飭下直隸督撫悉心妥議詳細具奏等因奉 旨依議欽此當經行司去後茲據署按察使熊昭鏡議詳前來臣查各省解滇安置軍流人犯現計流犯十名道犯軍犯四十七名爲數無多向由山地方官發交鄉約管束按月點明籍以稽查省兵戍之餘地方苦瘠各犯尙知守法自尋力作謀生脫逃者少部臣議令編管各犯使之充當夫役量予工食以安其身自係變通之法現計各屬墾荒開礦原本需人似可安置惟銅廠砂丁千百爲羣皆由頭人自行招募以便約束開墾荒蕪田地業各有主男耕婦織勞苦躬親亦無須外至流人爲食其力竊按充軍之法始自前明原因軍衛恆缺罰令外屯各隘以實什伍迨後裁撤邊衛此法不行現查滇省開化府邊界緊接越南向設有卡六十餘處由開化鎮派兵守禦以固藩籬軍興後邊備空虛

卡堡額麻將來大軍入關後建調設卡整飭邊防似可預將解滇之軍流等犯除年逾六十及已成篤廢疾者照例發入養濟院外餘皆發往開化鎮酌撥赴邊派守一處卽責成汛弁管束仍酌依犯無資財手藝之例給予口糧附近荒地並准自行墾種如能安分守法勤慎當差十年期滿准予查辦釋回願留過効力者聽至徒犯一項前囚犯易脫逃尋仇報復曾於體察盜案情形案內請將搶刦徒犯毋庸解配在籍鎖帶鐵桿石墩五年奏奉 諭旨允准遵行在案此外雜案徒犯人數寥寥應仍舊發交各屬安插似無庸另議變通下刑部知之○予故福建水師提督吳全美照軍營立功例議卹事蹟付國史館立傳

二月辛未朔頒給河南淇縣 關帝廟 城隍廟及武安縣 城隍廟匾額○壬申諭軍機大臣等岑毓英張之洞電奏已悉官軍攻宣光數月血戰多次將士損傷卒爲敵援阻撓實堪憤恨現在各軍退紮岑毓英當飭統領等擇要扼守竭力維持整頓俟有機再圖進取○以李鴻藻爲內閣學士○癸酉諭軍機大臣等吏部代遞主事齊肇敏奏變通辦理河運一摺據稱借黃濟運其弊有八宜將黃河入運之口封固挑深開河自臨清州引漳衛水倒灌開河直達張秋鎮廣備撥船起運並於張秋鎮酌建倉廩遇河凍時起運不及暫行收入等語所陳各節是否可行著成孚陳士杰妥議具奏原摺均鈔給閱看○甲戌朝口於東郊遣隆懃恭代行禮○諭劉秉璋奏鎮海口岸獲勝情形一摺正月十五至十九日敵船屢撲

浙江鎮海口岸經提督歐陽利見督率水陸營勇及輪船管帶各員合力殲擊將敵艦迭次擊壞敗退向
廟壯勇可嘉著劉秉璋仍飭在軍各將領嚴密防守毋稍鬆懈其尤爲出力之同知杜冠英副將費金綬
守備吳杰受傷之軍功周茂訓均著存記彙案請獎○乙亥頒給福建烏石山白真人匾額○丙子諭楊
昌溶等奏查明欠解丁耗等銀各員請分別拿問查抄一摺福建已革知縣富釗已故知縣黃崇惺欠解
丁耗等銀久未完繳竄延玩富釗著卽拿問將寓所旗籍資財查抄備抵仍提集經手書吏人等嚴訊
是便是挪按律懲辦並著安徽巡撫將該故員黃崇惺家產一律抄備抵飭提該家屬解閩究追以重
庫款○丁丑祭先師孔子廟遺額勒和布行禮○諭軍機大臣等前據左宗棠奏參知府李彤恩不審
敵情虛詞搖惑以致基隆被踞當降旨將該員革職交楊岳斌查辦茲據劉銘傳奏道員朱守謨規避鑽
營造言傾陷各情與左宗棠前奏大相逕庭必須澈底查明以昭是非之公道員朱守謨於軍務喫緊之
時輒敢擅請各款乞假規避殊屬荒謬著卽行革職所參該員招搖播弄及傾陷李彤恩各節如果屬實
厥咎尤重非永不敘用所能蔽辜著楊岳斌卽將朱守謨飭提赴臺歸入前案秉公研究孰是孰非務得
確情奏明嚴行懲辦不准稍涉徇徇原摺片均著鈔給閱看將此由五百里諭令知之○戊寅祭社
稷壇遣世鐸恭代行禮○諭關外官軍上年十二月及本年正月間迭次挫失巡撫潘鼎新身爲統帥雖

經親臨前敵並受鎗傷惟未能策勵諸軍力圖堵禦實屬調度乖方潘鼎新著卽行革職前福建布政使王德榜赴防最早未立寸功前在豐谷遇敵挫敗南關事急又未能迅速赴援實屬懼怯無能著卽行革職聽候查辦蘇元春屢著戰功任事勇往著督辦廣西軍務廣西巡撫李秉衡暫行護理○諭軍機大臣等廣西關外軍務屢次失利潘鼎新調度乖方本日已降旨將該撫及王德榜均卽革職並令蘇元春督辦廣西軍務矣王德榜所帶各營卽著蘇元春接統竭力整頓妥籌撫馭王孝祺各營及湖南新撥周家盛暨廖長明所帶各營均歸該提督節制調度此外潘鼎新所部各軍尚有若干營均應歸併調度該提督久經陣戰現在膺此重任務當調和將士聯絡軍心邊境要隘應如何分派扼守必先自立於不敗之地再圖進取廣西巡撫已令李秉衡護理各軍後路餉械並諭源源接濟該提督隨時互商辦理馮子材一軍前據彭玉麟等電請調回廣東業經諭令潘鼎新酌辦軍情瞬息千變該軍應否調回著彭玉麟張之洞悉心籌商定議具奏將此由六百里各諭令知之○曾國荃奏查總兵吳安康統帶五船前赴閩省於十二月二十九日在洋面突遇法船九艘適風霧大作澄慶馭遠二船不知所往開濟南琛南瑞三船駛入甯波口各情形經臣於正月初一日電請總理衙門代奏在案嗣據電報澄慶馭遠二船勢不能支已於初一日在石浦被沈開濟南琛南瑞三船在鎮海口被困浙江撫臣劉秉璋來電催令速回吳淞

楊岳斌泉州來電以該船既難入閩應回南洋以保長江門戶正月初九夜奉到電寄諭旨即飭各營
駕相機妥慎駛回毋稍大意朝廷保全該船之德意三軍聞之皆如挾纊查五船開行以後江防較爲
空虛今僅存其三若能安穩駛回於江防原有裨益徒以法船既既壞同意在欲得甘心誠未敢稍有疏
失臣飭令邵友濂龔照燮等商雇威利華安洋船確探沿途有無阻礙一面電催吳安康督率三船可回
則回無稍大意據報十三夜駛出鎮口二十餘里即有法船是以仍回鎮口嚴備以待十五日法船四艘
在鎮口外環而迫之探柁孤拔卽在該四船之內該會以我船僅存三號其勢更孤意在盡力轟燬先用
一小輪船破浪而來爲鎮海北岸礮臺開礮擊退旋有大黑艦一號率三兵船鼓輪而入勢甚兇猛礮彈
如雨黑煙迷人經浙江提督歐陽利見率吳安康分別布置合力對礮禦之相持三時之久南瑞礮擊斷
一船頭桅南瑞礮掠船面而過該船尙猛衝如前嗣經開濟一彈擊中孤拔坐船各船乃相率退出在於
游山下拋錨是役也振探礮擊斃法兵十餘名歐陽利見吳安康防會復於晚間來犯於是分途戒備吳
安康派丁華容帶舢板三號格林礮二尊在口外徹夜巡邏以防魚雷十六日該會將擊傷之船拖往東
洋修理而鎮口外尙泊三船是日夜間該會兩次放魚雷船進口均經我軍分別擊退十七日該會又相
率來犯一船當先經礮臺輪船合力開礮轟擊一礮擊穿當先一船之烟筒倒輪而退一礮中其後船十

八日大雨無戰事吳安康以魚雷之乘我最爲不測恐舢板不足以制之後購備船網密布口門使之無
隙可乘並以鎮口潮勢甚急又購三千五百磅大鎗三門連扣下沈俾潮退時鎗首仍前對敵船以收船
頭大礮轟擊之利十九夜法兩舢板登南岸我軍擊沈之二十一早間復以小輪船前來嘗試亦經擊退
自是至二十五日該船來去無定日在口門探水城掠二十六日法又添船三號並前船均泊七里嶼外
此兵船三號駛泊鎮海口後隨同該處防營與法船迭次抵禦對擊之大略情形也浙江撫臣劉秉璋迭
催三船回江無非爲保全三船起見嗣法艦迫近其勢萬難開行該撫力顧大局飭令在防各軍協同該
三船合力禦侮提臣歐陽利見在鎮海口布置井井有條此番擊退法船浙江防軍厥功尤偉歐陽利見
致臣書云三船在此利害相關此次昔與吳安康遇事相商同心禦敵顧全客軍不遺餘力寧紹台道薛
福成遇事關心不分畛域此次法船屢犯鎮口支持將近一月幸能迭次擊退未嘗少挫實惟文武主客
和衷共濟之力足以上慰 聖懷臣以該三船正在併力禦敵所需糧餉子藥煤炭各項已飭令邵友濂
轉照瓊湯壽銘郭道直孫傳樞等在甯多方接濟俾各將士一心戰守其受傷及中敵者經吳安康
查明分別安慰給賞以鼓其氣至於浙中防軍接仗情形應由劉秉璋具奏惟澄慶馭遠二船被沈已
派道員胡家楨前往確查並督同該管駕將趙英金榮等料理絞船撈礮應俟事定後方可辦理就緒再

行據實具奏 上諭軍機大臣等覽奏已悉澄慶馭遠兩船退入石浦被沈管駕員弁既未併力抵禦又不小心保護以致失事殊堪痛恨著會同該督確切查明嚴參懲辦不准稍涉迴護○湖雲因病請開去差使并停俸九之○已卯諭譙禍奏東土默特旗扎薩克尚未覈定該旗無所統屬一切公事漫無紀律等語該旗扎薩克貝勒哈思塔瑪噶故後迄今將屆六年何以尚未承襲以致旗務廢弛實屬不成事體著理藩院查明應襲之人迅速奏請承襲以資統攝毋再遲延○癸未諭潘鼎新奏各軍鏖戰大獲勝仗等語本月初七初八兩日敵兵在鎮南關外分路進攻馮子材王孝祺兩軍立即迎擊蘇元春與萬宗捷率師馳援各軍合力堵剿大獲勝仗殺傷千餘名奪獲象馬並鎗礮多件當將敵兵擊退將士奮勇可嘉著蘇元春李秉衡優給獎賞以示鼓勵○諭軍機大臣等左宗棠奏道員吳仲翔前在船政局當差章程多係該員議定請飭仍回福建辦事等語吳仲翔現在天津辦理水師學堂練船事宜如有妥員可以接辦即著李鴻章飭令前赴船政局當差○甲申諭盧士杰奏查明虧短交代銀兩各員請旨分別拿問革追一摺安徽已故望江縣知縣黃煒章已故署盱眙縣知縣黃士沅已革署宿松縣知縣雷恩棠前在各該縣任內虧短交代銀兩屢經催解久未完繳實屬延玩雷恩棠著即拿問監追交盧士杰飭提經手丁書人等嚴訊是侵是挪按律懲辦黃煒章黃士沅均著革職提傳各該故員家屬分別嚴訊追繳並督四川

湖北廣西各督撫將各員原籍家產嚴密查封備抵其歷過任所寓所有無資財寄頓一律查抄以重庫
款○子故布政使康國器照軍營積勞病故例議卹事蹟交國史館立傳○丙戌諭軍機大臣等所有此
次京察一等交軍機處記名各員著自本月二十一起按照名次先後每日二員於寅刻赴乾清門伺
候召見如本日未經召見及過外膳日期是日應行召見之員卽改於次日寅刻赴乾清門伺候召見其
餘各員以次遞推其記名之內務府郎中黃綬等十四員著俟各部院衙門人員召見完竣後於次日起
接續伺候召見○諭軍機大臣等彭玉麟電奏請飭統兵諸將仍紮原處等語撤兵係照津約斷難失信
昨已將辦理此事全局利害諭知張之洞著卽給與該尙書閱看自可了然且撤兵回界仍係整軍嚴防
彼卽挾詐背盟我亦有備無患該尙書等惟當懷遵前旨迅速辦理毋誤事機○丁亥祭 歷代帝王廟
遣管祺行禮○諭本年輪應查閱福建浙江廣東廣西四省營務之期福建卽派楊昌濬浙江卽派劉秉
璋廣東卽派張之洞廣西卽派李秉衡逐一查閱認真簡校如有訓練不精軍實不齊者卽將廢弛將弁
據實參奏毋得視為具文○諭軍機大臣等彭玉麟自赴廣東辦防以來實心任事不遺餘力該尙書向
有略血等語證現聞尙未痊愈亦未服藥調理身在行間與士卒同甘苦不遑少息朝廷實深座系必須善
自調攝方能爲國宣勤該尙書務當仰體此意慎求醫藥勉節勞勩以副倚畀之殷保身卽所以報國也

將此諭令知之○戊子諭前據內閣學士周德潤奏安徽釐金關稅積弊太深道員任蘭生盤踞要津營私肥己各款當派尚書崇綺內閣學士廖壽恆前往查辦並據該尚書等奏稽查明鳳陽關及淮北釐局收支數目冊報相符任蘭生尚無侵隱情事原參該道信用稅吏通同舞弊浮收冒領縱恣賁賄途迎挾制等款亦均查無其事惟革署勸亭即屠綸又即屠洽先由捐職巡檢更名替充經人告發革除該道仍留照舊辦事與知情徇隱無異安徽鳳陽六泗道任蘭生著交部議處至所奏該省鳳陽蕪湖各關淮北皖南釐金各局動支公費及外銷款項為數甚多釐稅皆關國帑豈得任意開支即著該署撫將各關局動支各項詳加體察何者可減何者可裁核實籌計提出若干奏明報部備撥餘依議行此等情事恐各省皆所不免著各該督撫嗣後將各該關局查明實在情形一體核實裁減奏明辦理○己丑上詣奉先殿 壽皇殿行禮○諭潘鼎新奏諒山失事退守要隘情形自請交部治罪並請將迭次陣亡官弁優卹一摺上年十二月間法兵進逼諒山官軍奮勇抵禦鏖戰多日旋因失利退紮諒山不守潘鼎新調度失宜前已降旨革職記名提督前廣東高州鎮總兵楊玉科臨陣勇敢奮不顧身中礮捐軀實堪憫惜著交部從優議卹陣亡之提督劉恩河都司劉映谷黃正寅鄧晏林杜光前守備羅雲高千總俞諫臣蔡得勝孫具易把總謝世和六品軍功萬國發均著一併從優議卹另片奏前福建布政使王德榜上年

一二

在豐谷等處接仗戰敗請予陣亡將弁優卹等語總兵黃昌光記名總兵副將胡陽春副將武鴻來參將左廷秀譚家瑞王得永蔡玉堂黃祖富左占元游擊陶得玉諸章壽士得才都司王天喜陳永發趙步雲譚連陞胡克勝田玉貴守備邱正廷鄧青雲千總謝廷蘭張玉魁楊大德胡士英李德正把總蕭恩清王成吉外委劉雲漢謝薛昌六品軍功黎占元唐復興心朋均著從優議卹已革參將甘肅巴里坤游擊柳臣玖著開復原官一併從優議卹餘著照所議辦理○李鴻章電致總理各國事務衙門頃接閩撫劉二月初九來電奉正月十二日電旨敬悉二十二日電達否吳鴻源年近七十素帶水師所部皆水師將官新募土勇器械不精兵將又不得力防守中路聯絡民團騰出楊金龍楚勇兩營來北較爲得力吳軍本議廣東濟餉至今未解仍由發餉王詩正所部三千又抽土勇二千餉由臺支發五萬軍火器械搜發一空援軍皆徒手渡臺更增憂急左相不明夷情如此強敵豈素不知兵之貴戚少年所能徼倖成功恪靖各營一敗氣餒土勇敗後雖整現裁去千餘曹部亦裁併兩營以節餉需閩省久無信來亦無兌欸若一月無大批餉至兵心潰散臺北借欸每月允繳三萬元無濟目前內掣重於外患傳實無法支持楊宮保已抵臺南請旨飭楊接辦彼無內掣之憂上下一氣或可勉支危局請將傳龍斥治罪自上月二十日敗後河水驟漲敵不能渡我軍冒雨添修營壘布置旬日軍心稍定昨有英照會調集兵船衆香

港法船於上月杪開去十隻不知何往基岸法兵五千據守各隘口隔河對壘毛瑟鎗子餉項二事最急若無接濟束手待斃以後援軍不帶鉅餉利鎗愈來臺危愈急日日冒雨督修營隘目疾更重艱危情形王詩正陳鳴志皆相知嗟歎傳惟竭力支持以待楊至請轉電總督云云乞代奏請 旨 上諭軍機大臣等劉銘傳電奏軍火器械搜發一空毛瑟鎗子餉項二事最急若無接濟兵必潰散等語臺防餉械萬分緊要左宗棠督辦全閩軍事援救爲目前至急之務楊昌濬職任兼圻尤屬責無旁貸著卽迅撥大批餉項設法匯解並將毛瑟鎗子趕緊運濟李鴻章曾國荃飭邵友濂龔照瑗速購鎗械等件運往劉銘傳務當盡心布置實力防剿不得藉詞諉卸楊岳斌現抵何處著遵前旨迅赴臺北合力剿辦該前督所部及程文炳一軍趕緊渡臺並著左宗棠籌撥餉械帶往勿任徒手到防無補軍事聞澎湖被踞確否著左宗棠等查奏○成孚奏准兵部咨開覆奏總理各國事務衙門奏辦各省節餉練兵摺內聲明河工漕運今昔異宜原設兵額應如何裁減之處一併清查辦理等因奉 旨依議欽此欽遵咨行到豫當轉飭所屬黃運各道暨河標中營等確查議減去後茲據先後詳稱豫省黃河上游南北七廳汛地互長險工林立舉凡鑲工力作栽柳巡堤以及墊路積土搜捕竊鼠等事皆河兵專責事繁人少僅敷分撥差遺東省運河經管河道一千一百餘里原設額兵既資修守巡防又須選辦積土長年力役奔走不遑河標中左

右城守四營官兵所管河程三百六十餘里分汛者各守段落催遣空重漕船兼護往來員差存城者專
事操演並派查門守庫護犯送餉亦僅敷各差之用均未能裁汰等情竑懇具奏前來奴才查該營額
設兵丁黃河則汛險工長鑲修緊要運河則巡防催遣分布離周河標尤以差務紛紜不暇調遣皆係實
在情形本難遽議裁減惟值此海防多故籌餉維艱上勞 宵旰憂座爲臣子者更宜竭力圖維稍盡報
効之忱第奴才職任河工凡屬修防疏濬動輒需帑殊乏籌備之方惟有遇事格外認真諸從儉約俾節
流卽以開源以爲裕餉之計前奉 欽差查減工款業經悉心規畫嚴省銀十萬餘兩存候隨時奏明撥
用茲議裁兵節餉仍於無可核減之中嚴飭各道營等力加裁汰謹按公務之繁簡酌減兵額之多寡計
開歸道屬豫營工程險要額設兵六百四十一名按百名裁汰五名擬裁三十二名河北道屬懷河營工
程略簡額設兵七百一十九名按百名裁汰十名擬減七十二名運河道屬運河營額設兵四百名差務
繁重停數分撥按百名裁減五名擬減二十名河標四營原存兵一千六百一十三名內除馬兵三百一
十六名差操緊要不能裁減外現仍統按百名裁汰五名擬減八十名以上黃運河標七營共減兵二百
四名每年共減餉需銀三千三百餘兩光緒十年秋季已飭該道營遇有兵丁斥革事故隨時開除停止
募補在案下餘未裁兵額請自本年春季爲始限一年陸續裁竣其未開額之前仍准照常支餉業經開

額之後核計餉若干即於領餉文內隨案聲請扣除按季報部查核繼以一年期內裁足爲斷不任稍
有遷延冒濫及以老弱充數情事俾昭核實而重度支得旨該衙門知道○庚寅以梁耀樞爲翰林院
侍讀學士○辛卯諭廣西關外各軍自本月初七八日獲勝後迭據張之洞潘鼎新等奏稱官軍合力進
攻先克文淵州乘勝追剿十三日克復諒山擊敵甚多奪獲礮械無數各該軍奮勇力攻殊堪嘉尚前廣
西提督馮子材老於兵事夙著勦勦此次與廣西右江鎮總兵王孝祺初剿迭勝馮子材著先行賞給白
玉翎管一枝白玉搬指一箇白玉柄小刀一把火鏢一把大荷包一對小荷包二箇王孝祺著先行賞給
白玉翎管一枝白玉柄小刀一把大荷包一對小荷包二箇其餘出力員弁著蘇元春李秉衡將各軍戰
狀詳細確查據實具奏候旨施恩○壬辰諭軍機大臣等法人現來請和於津約外別無要求業經允其
所請約定越南宣光以東三月初一日停戰十一日華兵拔隊撤回二十一日齊抵廣西邊界宣光以西
三月十一日停戰二十一日華兵拔隊撤回四月二十二日齊抵雲南邊界臺灣定於三月初一日停戰
法國即開各處封口已由李鴻章分電沿海滇桂各督撫如約遵行矣惟條款未定之前仍恐彼族挾詐
背盟伺隙猝發不可不嚴加防範著傳諭沿海各省將軍督撫並雲南廣西督撫及各路統兵大臣督飭
防軍隨時加意探查嚴密整備毋稍疏懈是爲至要○諭軍機大臣等本日已將停戰日期諭知岑毓英

矣現距撤兵期近劉永福一軍必須妥爲安插將來或在邊界屯軍抑或別籌調度該督務須熟思審處
先行奏聞候旨定奪○頒給湖南永州府 關帝廟匾額○癸巳頒給四川汶川縣 龍神廟懋功匾
龍王廟資陽縣 城隍廟匾額○甲午諭前因御史黃自元奏參署湖南巡撫龐際雲任用非人徇私納
賄等款當經諭令卞寶第確查具奏茲據該署督查明奏稱被參徇私納賄各節查無其事惟誤聽人言
委令已革道員邵光燧管帶營勇實屬疎忽等語龐際雲著交部議處○乙未諭卞寶第著回湖南巡撫
本任湖廣總督著裕祿署理安徽巡撫著吳元炳補授○電 諭李鴻章撤兵載在津約現既允照津約
兩國畫押斷難失信現在桂甫復諒法卽據彭鴻王若不乘勝卽收不惟全局敗壞且恐孤軍深入戰事
一無把握縱再有進步越地終非我有而全臺隸我版圖援斷側絕一失難復彼時和戰兩難更將何以
爲計且該督前於我軍失利時奏稱只可保境堅守此時得勝何又不圖收束耶著該督遵旨亟電各營
如電信不到之處卽發急遞飛達如期停戰撤兵倘有違誤致生他變惟該督撫是問○楊昌濬奏准刑
部咨具奏各省軍流徒犯脫逃日衆亟宜變通整頓又軍犯附近近邊邊境一項沿襲虛名徒滋煩雜應
如何量加刪減令直省督撫妥議具奏等因奉 旨依議欽此咨行到閩 臣等會同臬司悉心體察軍流
徒犯攤站拘役徒有其名充警派巡並無其事惟軍流到配後照例給予一年口糧多因窮苦難度紛紛

脫逃今欲設法整頓惟有量加變通擬嗣後軍流等犯到配查有隨帶家口資財者循舊辦理如遇年老
殘病之人歸入養濟院給予孤貧口糧以資餬口少壯窮苦者仍照例給予一年口糧卽由配所州縣查
明無論正佐文武衙門應用動作夫役隨時分撥充當量給工食並時加編管毋許遠離衙署倘有不
約束仍送該州縣責懲示儆如怙惡滋事照例嚴辦徒犯亦可照此辦理似此量予安置俾配犯生計較
寬而分撥各衙署收管犯數無多易於防範脫逃或可漸少至軍犯到配閩省向與流犯一律安置並無
區別其附近近邊兩項充發道里轉較滿流爲近卽邊遠一項亦與滿流道里相等沿與虛名徒滋煩雜
似可刪除仍留極邊四千里及烟瘴二項爲流罪加等地步甚爲簡當至新疆現在建設郡縣招募屯墾
若將改發充軍人犯仍復舊例發往種地當差實屬因時制宜應由新疆大臣察核奏辦下刑部知之○
丙申以剛毅爲山西巡撫鹿傳霖署理陝西巡撫邊寶泉爲河南巡撫崧駿爲漕運總督○丁酉諭軍機
大臣等張之洞電奏均悉中國素以信義爲重法已電孤拔於三月初一日停戰開臺臺北海口並令
在越統領定期停戰我若失信致生他變不特兵連禍結且爲各國所不直嗣後交涉事件益形棘手電
綫中斷二十五日已由總署告知赫德以靈貴電信恐難速達展期二三日令其電法斷難再與議展若
此時復飭進兵此等舉動豈中國所可爲幸而獲勝尙覺得不償失一有蹉跌更傷國體該督近接岑毓

英電報是電綫已通正宜迅速傳達務當懷遵嚴諭飭令防軍如期停戰撤回邊界並仍整兵嚴備以防不測方爲正辦倘有違延朝廷固必嚴懲而貽誤全局該督返而自思諒亦不敢出此懷之慎之該督於奉旨遵行後卽行電聞○諭本月二十二日吏部請飭滿洲給事中員缺帶領引見人員內告假不到者至十一員之多實屬不成事體嗣後此項人員如有連次患病告假不到者應如何予以處分著吏部酌議章程奏明辦理以杜規避○以奎斌爲直隸布政使高崇基爲山西布政使沈銘經爲雲南布政使○戊戌諭軍機大臣等岑毓英電稱各軍在臨洮等處大獲勝仗等語該督運籌決策足示國威有此大捷乘機結束尤爲得體著卽懷遵前旨如期停戰一面整備撤兵仍隨時嚴防以備不虞此次出力員弁查明從優保奏候旨施恩○以嵩昆爲山西按察使以干蔭霖爲廣東按察使○己亥衛榮光奏查案准兵部咨附奏整頓各省塘鋪遞送公文一片內開請飭各該督撫體察情形或酌量裁汰或仍復舊章統加整頓並令轉飭所屬設法稽查其由何處稽延卽指參何處以肅郵政而除弊端等因於同治八年六月初一日具奏本日奉 旨依議欽此咨行欽遵等因當經札行江蘇藩臬兩司會同體察情形妥議詳辦其江甯府屬七縣減成實支額編節省銀兩亦經提解撥支尙無浮冒濫銷情弊至鋪司遞送公文如有違誤及鋪舍損壞數少不補老弱充當等情律載處分極嚴嗣緣兵燹以後各該州縣案牘遺失無例可

循遂至漫無稽核積壓耽延實所不免其間貽誤要公虛糜款項關繫匪輕自應遵照章程亟加整頓以慎郵傳銷兵銷台按月點驗遞到文件填用回照號簿註明角件接交時刻按月造冊遞送查有遲延缺額等情定即照例參處並先鈔開律內遞送公文銷台損壞專條通飭刊刻榜示銷遞處所並經各前撫臣暨臣節次札催在案茲據署江蘇按察使田國俊會同江甯布政使梁肇煌蘇州布政使譚鈞培詳稱蘇省地當衝要四通八達歧路百出故各屬州縣無論有驛無驛向各設有銷兵專司分路遞送各省往來文報與西北各省情形本自不同兵燹之後各處增設局卡銷司遞送尤煩當飭查照舊章一律照額復設旋奉行查能否酌量裁汰復經飭據無驛之長洲吳縣震澤常熟昭文新陽太湖泰賢婁縣金山上海南匯川沙陽湖金匱宜興荆溪江陰靖江金壇溧陽興化東臺泰州鹽城阜甯安東豐縣睢寧蕭縣碭山太倉崇明鎮洋嘉定寶山海州沐陽贛榆通州如皋泰興海門等四十三屬州縣各以專設銷司一應緊要尋常文件專額分銷分路遞送文報之煩與有驛之區不相懸殊又據有驛之元和吳江崑山青浦華亭無錫武進丹徒丹陽江都甘泉高郵儀徵寶應山陽清河桃源宿遷銅山邳州沛縣等二十一州縣各以所設驛站夫馬係遞奏摺本章部文火票排單夾板一應緊要限行文件兼設銷遞乃分銷馳送各省尋常公文雖與無驛各屬均各設銷司兵數十名或二三十名十數名不等從前本按遞送之煩簡定

兵數之多現在遞送紛煩委實難以裁汰各請照額復設支銷並據江甯府屬無驛之高淳溧水二縣有驛之上元江甯句容江浦六合五縣亦以銷遞煩多聲明因驛站何不復額是以各按驛站減成支給等情陸續詳覆到司伏查各屬設立銷遞本與驛站相輔而行無驛州縣專賴設立各銷伺遞一應緊要尋常文件有驛各屬兼設銷遞分遞僻路尋常公文所稱難以裁汰體察情形似可均如所請准其照額設立所有應支工食歷經按年併入官俸役食冊內造報奏銷庶令咸知儉樸實力奉行壻遞公文亦遵部示飭令按照各官赴任憑限馳遞如果遞到時刻按限計算再有逾遲定將該堤壻等分別揭參懲治以肅郵政下兵部知之○是月英吉利國使臣巴豆禮卒參贊歐陽訥署理○美利堅國使臣巴特納回國鎮江領事石米德署理○荷蘭國使臣費果孫因病回國副使來因署理

光緒六十九

臣朱壽朋敬編

臣張毓英恭校

三月辛丑諭吏部奏遵議處分一摺湖南布政使龐際雲應得降三級調用處分加恩著改爲降五級留任○鄧訓承奏此次海防開捐實一時不得已之舉誠恐捐例一開官途日雜故戶部議定收捐章程其銀數較倍於前是於籌備經費之中仍寓慎重名器之意現經吏部奏定銓補班次量予加優無非爲鼓勵捐輸起見惟臣查原奏云外補人員應俟裁引掣籤後由部開單行文各省按照定限減半計算以接到過班知照部文後下月所出之缺一體遵照辦理等語其所以防弊者已極周密而於歸部銓選之缺則但云俟裁引掣籤後遵照奏定新章核辦並未聲敘原出缺日期之先後作何區別在部臣習於成例但以本月截缺之日作爲開缺日期自謂儘有限制足以杜盛弊端殊不知近時各省電報通行朝發夕至捐生事事皆得預知其在京守候人員往往有挾重資而觀望不前必問某省何項出缺始行上兌花樣既優何患不得至佐貳閒曹及孤缺各項則更可操券以待皆由吏部於銓選官員向不扣原出缺之日期故流弊一至於此現當開捐伊始亟宜杜漸防微相應請 旨飭下吏部按現行新章於銓選人員

一項無論何項官階何項班次統照外補人員之例嚴爲分別其歸外補者既以過班知照後爲斷倘原出缺之日期在前不准序補其歸部選者自應以引次掣籤後爲斷倘原出缺之日期在前亦不准開選似此選補一律庶足以杜巧進而遏倖心且捐生亦無所用其選疑勢必爭先輸將而於捐務亦不無裨益也再新例海防先用卽用兩項係一箇月截數一次海防三班儘先各項係兩箇月截引一次在戶部但期迅速可免流弊而吏部銓選班次則各歸各項迥然不同以至捐生轉易趨巧大半層遞報捐希冀可省銀數此等情形已顯而易見況省分遠近不等咨報到部遲速懸殊此次蘇省計接到部文之日已早前部中掣籤之期在儘新選用人員雖稍分先後而無關礙得失至按明輪選各項須俟到班時方准選用部中叩期過促則違省捐生就使上兌在先反不能如近省報捐在後各省爭叩次之先後似亦未免偏枯是以咸豐年間籌餉例定爲四箇月一掣籤洵屬法良意美現在海防開捐似應援照辦理方足以昭公允 上諭御史鄭訓承奏新開捐例宜剔弊端一摺著該部議奏○壬寅李鴻章電致總理各國事務衙門初一與伊藤議定三條一兩國各撤駐紮朝鮮之兵自畫押蓋印之日起以四箇月爲期限內各行盡數撤回以免兩國滋事之虞中國兵由馬山浦撤去日本兵由仁川港撤去一兩國均允勒朝鮮國王教練兵士足以自護治安又山朝鮮國王選雇他外國武弁一人或數人委以教演之事一將來朝

鮮若有變亂重大事件中日兩國或一國要派兵應先互行文知照及其事定仍即撤回不再留防此其大略也伊藤又論懲處營官價卹日民二節鴻謂日民供詞無見證應俟我查問明確如實係某營兵殺掠日民有姓名供證可據即照中國軍法嚴辦至營官帶兵入宮本無錯處未便議處伊謂兩國意見不合事關重大應將此節照西例請他國國主公斷鴻以小題大做不允但營官等連與日兵接仗殊屬冒昧有乖和誼我當行文申飭可將以上二節由鴻敘一照會完案伊已面允照辦必如此俾伊得轉場下臺在我亦不失體約初四下午會同畫押請代奏仰慰 聖廬 上諭軍機大臣等李鴻章電陳與伊藤所定三條著即照辦餘依議○癸卯李鴻章奏 欽奉光緒十一年正月二十五日 寄諭日本使臣計將到津李鴻章熟悉申外交涉情形必能妥籌因應本日已有旨派李鴻章為全權大臣即著該督與日使在津商議事務吳大澂係原派前往朝鮮查辦之員並著會同商議此次朝鮮亂黨滋事提督吳兆有等所辦並無不合前據徐承祖電稱日人欲我懲在朝武弁斷不能曲徇其請著李鴻章等設法堅拒其餘商議各節該大臣等務當妥為籌畫斟酌機宜與之辯論隨時請有遵行等因欽此仰見 聖訓精詳指授機要感佩莫名日使伊藤博文抵津恩恩入都旋由都來津於二月十八日詣 臣行館會議當邀同吳大澂續昌與之接晤該使臣要求三事一撤回華軍二議總統將三價卹難民二十二二十三二十五等

日會晤後以此三事嘖嘖不休經臣疊次據理力爭往復駁詰所有連日問答節略均鈔送總理衙門轉奏在案臣維三事之中惟撤兵一層尚可酌量允許我軍隔海遠役將士苦累異常本非久計朝鮮通商以後各國官商畢集王城口舌滋多又與倭軍逼處帶兵官剛柔操縱恐難一一合宜最易生事本擬俟朝亂略定奏請撤回而日兵駐紮漢城名為護衛使館實則野睡臥榻蟠踞把持用心殊為叵測今乘其來請正可趁此機會令彼撤兵以杜其併吞之計但日本久認朝鮮為自主之國不欲中國干預其所注意不在暫時之撤防而在永遠之撤戍若彼此永不派兵駐朝無事時固可相安萬一倭人嘯朝叛華或朝人內亂或俄鄰有侵奪土地之事中國即不復能過問此又不可不熟思審處者也伊藤於二十七日自擬五條給臣閱看第一條聲明嗣後兩國均不得在朝鮮國內派兵設營乃該使臣著重之筆餘尚無甚關係臣於其第二條內添註若他國與朝鮮或有戰爭或朝鮮有叛亂情事不在前條之例伊使於叛亂一語堅持不允遂各不懌而散旋奉三月初一日電旨撤兵可允永不派兵不可允萬不得已或於第二條內無干句下添敘兩國遇有朝鮮重大事變各可派兵互相知照等語臣屬可行至教練兵士一節亦須言定兩國均不派員為要等因欽此 聖謨深遠杜漸防微正與臣等愚慮脗合臣復恪遵旨意與伊藤再四磋磨始將前議五條改為三條第一條釐定兩國撤兵日期第二條中日均勿派員在朝

教練第三條朝鮮若有變亂重大事件兩國或一國要派兵應先互行文知照句斟字酌點易數四乃始定議夫 朝廷眷念東藩慮日人潛師襲朝疾雷不及掩耳故不惜糜餉勞師越疆遠戍今既有先互知照之約若將來日本用兵我得隨時爲備卽西國侵奪朝鮮土地我亦可會商派兵互相援助此亦無礙中國字小之體而有益於朝鮮大局者也至議處統將償卹難民二節一非情理一無證據本可置之不理惟當時日兵被我軍擊敗傷亡頗多國旗既辱軍威亦損聞日本薩長諸黨深以此事爲恥羣情洶洶齊動公憤欲圖報復伊藤謂此二節不定辦法既無以復君命更無以息衆忿亦係實情然我軍保護屬藩名正言順誠如 聖諭該提督等所辦並無不合斷不能曲徇其請且 明詔煌煌亦萬無議處之理因念駐朝慶軍係 臣部曲姑由 臣行文戒飭以明出自己意與 國家不相干涉譬如子弟與人爭鬪其父兄出爲調停固是常情至伊所呈各口供謂有華兵殺掠日民情事吳大澂等在朝鮮時毫無見聞亦未聞他人言及難保非彼族藉詞圖賴但既經該國取有口供正可就此追查如查明實有某營某兵上街滋事確有見證定照軍法嚴辦以示無私絕無賠償可議也以上兩節卽由 臣照會伊藤俱得轉場完案伊藤亦翕服無異詞旋奉初三日電 旨所定三條著卽照辦餘依議欽此遂於初四日申刻彼此齊集公所將訂立專條逐細校對公同書押蓋印各執一本爲據並另給照會交伊藤收執該使臣卽於

初五日起程回國謹將約本封送軍機處進呈 御覽恭候 批准其照會底稿已鈔致總理衙門查照轉奏矣竊維去冬十月朝鮮之變竹添陰助亂黨而國王亦難免開門揖盜之譏日兵先發難端而華軍亦有乖投鼠忌器之義日本最貪小利同治十三年臺灣生番之役優給卹銀略示寬大此次乘中法交訌之會借朝鮮兵爭之事尋衅而來冀收漁人之利其願望未嘗不著駐日使臣徐承祖兩稱該國王調集廣島熊本兩鎮之兵預備戰事伊藤來華隨帶水陸將弁多人沿途偵探虛實朝鮮君臣聞日使北來舉國震恐臣等方慮事機決裂重貽 君父之憂茲幸法夷効順倭人亦就範圍臣等寧承 廟謨反復挫折倖免阻越以後彼此照約撤兵永息爭端俾朝鮮整軍經武徐為自固之謀並無傷中日兩國和好之誼庶於全局有裨所有遵 旨會議訂立專條畫押竣事各緣由謹會同都察院左副都御史臣吳大澂兩淮鹽運使臣續昌恭摺馳奏 旨允行○諭張之洞奏特參不職文武各員請旨懲處一摺江蘇候補道溫子紹總辦廣東機器局料價既多不實工匠亦不足額著先行革職澈底查辦勒令賠繳試用通判張光裕委辦前時釐局緝私勇丁缺額太多公項亦多含糊試用知縣丁壩委辦河口釐局於中飽隱射等弊縱容不究均著以府經歷縣丞降補仍勒令如數賠繳試用知縣呂椿培委辦四會釐局挪移欸項浮開公用惟前數年於釐務尚能整頓著暫行革職勒令如數賠繳再行奏明辦理順德協副將利

輝性情近滑委帶艇船操防懈弛勇丁亦有缺額署水師提標後營遊擊陽江鎮中軍遊擊黃增勛所部
勇丁多不足額派守礮臺並不請求操練惟利禪於省河情形尚熟該增勛平力正強均著革職暫留本
任以觀後效記名總兵張殿維委帶輪船勇丁不足且有縱容子弟情事著以參將降補記名總兵張忠
發承修輪船扣減價值著卽行革職仍留廣西軍營効力候補遊擊方恭身弱多病難勝將領著以守備
降補候補遊擊梁燧燦候補都司陳良傑委帶師船並不請求操防惟梁燧燦人尚明幹陳良傑尚諳礮
法均著摘去頂戴拔去翎枝如再不能振作卽行嚴參餘著照所議辦理該省吏治營規積弊已久嗣後
文武大吏務各精白乃心整己率屬認真督察効力挽頽風以副澄叙官方至意○甲辰諭前據直隸
武邑縣生員李先春等以匪災濫刑浮收重徵等詞赴都察院呈訴當諭令李鴻章查辦嗣據該督覆奏
所控係屬子虛業經查明分別辦理茲據都察院奏該縣監生甄鳴鶴等道抱呈稱委員知府蕭世本查
辦此案聽從冀州直隸州知州吳汝綸囑託祖庇覆稟欺飾等語是否該委員等實有前項情弊抑係該
監生等砌詞捏控非澈底根究不足以折服其心著李鴻章督同臬司親提人證卷宗秉公研訊據實具
奏抱告人民哀之金該部照例解往備賑○乙巳諭軍機大臣等張之洞電奏擬令劉永福屯紮思欽一
帶等語所籌尙是著該督與岑毓英商辦○丁未卞寶第彭祖賢奏前准戶部會議覆奏籌辦各路餉需

案內行令各省關將一切支款某項可裁減若干每月能籌畫若干以備專供目前沿海兵事軍用一面奏明核辦等因光緒十年六月二十四日具奏奉 旨依議欽此欽遵咨行前來即經轉飭司道通盤籌畫核實裁減以備軍需並將湖北新隄江漢宜昌各關每年裁減經費銀兩先行附片奏明在案茲據湖北布政使蒯德標按察使黃彭年會同糧鹽二道及營務處署後牙釐各局司道詳稱湖北自同治年間軍務肅清後所有勇營局卡迭經先後裁汰光緒六年奉 旨飭令將防營各局酌核裁併又復大加刪減即如署後局委員前已裁減二十員此外各局或裁或併亦屬不少去年又裁城鈔委紳四十餘員並募役人等誠以入款日微度支竭蹶凡有可省無不酌辦理茲復逐款句稽悉心考核於無可裁減之中力求撙節之法前因襄陽道停止各屬節壽陋規該道缺分清苦別無出息江漢兩縣差使較繁入不敷出均在署後一成項下籌給津貼以資辦公現擬分別停減並裁營務處保甲署後局兩委員一切費用銀錢併計每年共可減銀八千三百六十五兩署後局尚有會辦文案及幫辦報銷繕寫月摺大小委員四員擬俟藩司衙門新捐局概行調辦所有原支薪水即飭停止銀錢併計每年又可節省銀七百五十六兩兩鹽道衙門裁減宜昌鹽局用項以錢易銀每年計可節省二千八百八十兩牙釐裁併各分局委員暨司事局用等項每年共節省錢三千一百九十四串四百文此外另有蒲圻縣羊樓峒茶行釐捐

抽收行用一分內劃出四釐向爲該縣修理城垣及地方各項工程之用上年因總局修葺局屋及刷印聯票一切公用不敷卽將此項行捐提充公費計收銀六百七十六兩另錢二千二百零一串餘文請自光緒十一年爲始將前項四釐統歸正釐入收以濟餉需藩司糧道兩衙門歲收各款各有例支無從酌留籌撥至水師各營皆係兵防要地查緝匪類護運餉糧未可遽議撤動現擬每營抽裁勇丁通年共可節省銀七千二百六十二兩另錢三百五十九串餘文統計每年共裁減銀一萬九千二百六十三兩有奇錢三千五百五十三串餘文茶捐行用四釐銀錢撥歸正釐入收尙不在內等情詳請具奏前來伏查現值海氛不靖京外庫藏俱極支絀臣等忝膺疆寄與部臣同一休戚相關凡有可省之款何敢不力求撙節接濟餉需惟鄂省所設各局及留防水師營前經一再裁併尙無虛糜之項現據該司道所議裁減各款較爲核實此外委無可再裁減下戶部知之○已西諭卽奉寶第等奏故員廕短正雜銀兩逾限不完請查抄備抵一摺已故前署湖北監利縣知縣朱光耀廕短正雜各款銀兩經該督奏參勒限該家屬完繳現在逾限已久並未完解殊屬延玩著湖南巡撫卽將該故員原籍家產嚴密查封備抵以重庫欸○亥辛調文暉爲禮部左侍郎以貴恆爲刑部右侍郎○召湖南按察使孫澤翹四川按察使如山來京○以龔易圖爲湖南布政使龐際雲爲廣東布政使○以馮南斌爲甘肅夏鎮總兵○曾國荃奏自於光

緒十一年正月二十九日具奏開濟南琛南瑞三船在鎮海口隨同浙省防營抵禦法船迭次鏖戰各情形一摺聲明澄慶馭遠二船被沈已派道員胡家楨前往確查並督同該管駕將超英金榮等料理絞船撈取應俟事定後辦理就緒再行據實具奏二月十四日遞回原摺內開軍機大臣奉 旨覽奏均悉澄慶馭遠兩船退入石浦被沈管駕員弁既未併力抵禦又不小心保護以致失事殊堪痛恨著曾國荃確切查明嚴參懲辦不准稍涉護諉欽此仰見 聖明洞燭萬里之外無任悚惶臣以兩船失事俟胡家楨查覆到日謹當據實參辦二月二十日先行電請總理衙門代奏在案三月初二日胡家楨回甯臣詢問益知端方該二船失事之始寧紹台道薛福成電稟正月初一日辰刻澄慶馭遠為法人水雷轟沈旋據邵友濂張照璦電稟詢之馭遠總辦洋人力尺生亦云被法魚雷轟沈續據署定海鎮總兵貝錦泉稟又稱有該二船係自行擊沈之說臣飭胡家楨嚴切確查毋許稍涉徇隱茲據該道查明原委稟稱該五船上年十二月二十九日由潭頭山洋面市經駛出突見法船七艘由北銜尾衝來正在前駛迎敵忽然大霧迷漫咫尺莫辨所幸開濟南琛南瑞三船駛行較快澄慶馭遠開滿機器行駛遲緩被法船用礮轟擊漸逼漸近萬分危迫該船自知眾寡不敵遂駛入象山口之三門灣不料法船封閉港口有鐵甲三艘將出路截住將超英金榮深恐以船資敵遂入石浦為自守之計戕刻法小輪船入口當經該船擊退並

商之督帶象山練軍副將劉青山派隊排列岸上幫同禦敵三十日卯刻法舢板駛進內港我輪船用礮
轟退已刻又有小火輪拖帶舢板兩隻每隻約數十人由銅瓦門至東門外洋面測量水道意圖進口却
係船隻並入港窺探屢經開礮轟擊眾目共睹石浦屬黃貽橋等亦經稟明有案是夜天色昏黑遠望各
口門時有法舢小輪窺探均隨時開礮轟擊初一日寅刻法舢又以小火輪船夾雜於被擄漁船之中乘
黑潛入偷放魚雷該兩船後船均被礮傷其船上水手勇丁素未經過戰陣相率抱水潛逃將趙英金榮
力爲阻扼猶冀補救詎兩船受傷之處逼近火藥艙倘被轟燃不特全船人命均成灰燼且恐禍延居民
殃及商船又患法人擄去船礮不得已亟放水管引以自沈救全船礮時將趙英金榮志在與船俱沒經
弁勇扶掖上岸此係該兩船先後被魚雷傷損開放水門自沈之實在情形也臣查澄慶馭遠兩船粗笨
本不及開濟南琛南瑞行駛之速上年派令湊數出洋而馭遠一船欽奉 諭旨垂詢臣因無船可以改
換當經據實電奏在案是該二船之力最劣於三船早在 聖明洞鑒之中洎夫兩船失事臣聞各處
所譯西貢字報有紀石浦戰事一條亦載澄慶馭遠兩船駛入石浦孤拔用水雷進攻之語並有兩船大
礮洋鎗格林礮抵禦甚力之語又有法水雷船前去暗無聲襲中國兵輪一見齊施鎗礮等語此與胡家
楨所查該兩船抵禦情形大致相同者也至於員錦泉等所報有未見法船進口當係該兩船自行沈沒

之語茲據胡家楨在石浦地方明察暗訪互相稽考二說皆屬有因緣西報張大其詞謂該兩船爲魚雷
轟沈自係誇談勝狀炫耀各國以見功也而其魚雷船之來夾雜漁划之中西報亦言暗無聲響該處居
民未見法船進口自係指未見大兵輪而言殊不知一船之尾艙已受魚雷擊傷也臣細思胡家楨所繪
石浦水面地圖於法國小火輪所由之水道逐一標註瞭如指掌惟該管駕二員既未併力抵禦又不小
心保護以致失事誠如 聖訓所諭殊堪痛恨自應嚴參懲辦何敢稍涉迴護查取遠船副隊總李時珍
首先逃走自應嚴拿務獲一俟到案卽行正法其澄慶管駕留閩儘先遊擊蔣超英取遠管駕副將銜補
用參將准補太湖右營都司金榮臨到危險不能保護本船卽擬發往軍臺亦屬咎有應得惟因眾寡不
敵意在救船救敵情尙可原且蔣超英由水師學堂出身金榮亦久歷重洋均屬有用之才現擬擴充水
師籌防江海正當用人之際外間譏法不敢太峻恐以後員弁視管駕輪船爲畏途無以鼓勵羣策合無
籲懇 天恩俯准將該管駕蔣超英金榮卽行革職至可否責令隨同道員胡家楨經理較船撈取各事
宜免其發往軍臺之處出自 天恩非臣下所敢擅請副將丁華容照料營務本無管駕之責且當開船
之日乃奉札文倉猝上船既無隨身親兵又無在手兵符正月初卽至鎮口同吳安康日夜鏖戰備極
勤勞保全三船功績最著吳安康丁華容應請免其置議此外兩船在逃之勇受傷之弁容俟查明辦理

是否有當理合據實覆陳伏候 聖訓施行 上諭軍機大臣等李時珍著卽嚴拿務獲正法將超英金榮均革職發往軍臺効力一俟統船撈獲事竣卽行起解餘依議該部知道○壬子諭軍機大臣等張之洞電奏瀝陳邊軍出力情形官軍圍攻宣光雖未克復而幾次奮勇進剿勞績足錄著岑毓英仍遵前旨將十一月初五之捷出力員弁查明保奏並將滇越各軍宣光攻戰出力者與臨洮勝仗案一併保獎候旨施恩○以續昌爲湖南按察使游智開爲四川按察使○以章高元爲山東登萊青鎮總兵○甲寅諭陳士杰奏故員虧短交代銀兩延不完繳請革職查抄備抵一摺山東已故萊陽縣知縣王朝宗觀城縣知縣周鼎前在各該縣任內虧短交代銀兩爲數甚鉅屢經勒限展催迄未完解實屬玩延王朝宗周鼎均著卽行革職所有該故員任所寓所資財嚴密查抄備抵並著順天府府尹浙江巡撫將各該故員原籍家產一律查封備抵○乙卯諭楊岳斌奏請已革游擊呂文經留於臺灣効力等語前因呂文經於輪船中敵亂卽先退降旨革職發往軍臺嗣據左宗棠等奏留差遣當以該員獲咎較重未經允行該前督豈竟無聞知乃復奏請留營殊屬冒昧楊岳斌著交部議處並著將呂文經卽行起解不准逗遛嗣後神罪人員各該督撫及各省統兵大臣不准率請留營擅行差委以肅綱紀而杜賡緣○丙辰李用清奏案准兵部咨議奏節餉併兵條陳六事一摺於光緒十年二月二十五日具奏奉 旨依議欽此欽遵鈔

錄原奏知照到黔臣查今日之急務自以理財爲要而今日之耗財實以養兵爲甚部議與其養無用之兵徒滋糜費何如節有用之財留備邊防條陳裁併六大端洵爲時局所關自應力圖補救凡屬疆吏理宜認真整頓共濟時艱仰慰宸座查黔省自光緒五年易勇爲兵以馬戰歸練軍以守兵歸綠營復足十成原額並未留一勇營迄今五稔節省餉銀不下數百萬兩九年三月前撫臣林肇元會同督臣奏明裁兵二成八月又奏明於二成之外再減一成以作各營公費均經欽奉諭旨允准在案是現在額兵雖經裁核似難再減惟各哨武弁原以領兵兵數既裁弁亦當併與督臣提臣暨四鎮總兵往返商酌按照兵數之多寡汛防之廣狹先將哨弁併裁以冀稍節餉需茲酌裁提標左右前三營把總三員外委六員安順城守營外委二員大定協左右兩營把總二員外委二員平遠協左右兩營把總二員外委二員定廣協左營外委一員右營把總一員外委一員遵義協左右兩營把總二員外委二員羅斛營外委二員歸化黔西平越三營外委各一員貴陽新添仁懷三營免裁鎮遠鎮標酌裁中左右三營把總三員外委四員松桃協把總三員外委一員銅仁協把總一員外委六員清江協把總二員外委七員丹江台拱兩營把總各三員外委各三員思南凱里黃平大柱石阡五營免裁古州鎮標酌裁中左右三營把總三員外委三員都勻協把總一員外委二員上江協把總二員外委二員黎平營把總二員外委一員

朗洞營把總二員外委二員務波營外委二員下江營外委一員威寧鎮標酌裁左右二營外委各一員
畢赤水城兩營把總各一員安義鎮標酌裁中營把總一員外委一員左營外委一員右營把總外委各
一員永安協左營外委一員右營把總一員外委二員長協營把總一員外委一員普安安南兩營三營
外委各一員統計提鎮各標協營共裁把總四十一員外委七十員每歲可節省俸銀一萬兩有奇所有
已裁員弁其人年力尚強營務已屬可觀者無論本營外營出缺即行調補以資得力而免向隅至千總
以上各員能否裁併現已咨商提臣四鎮查明另辦再撫標左右兩營駐紮省垣重地巡緝宜嚴兵數未
減弁亦難裁合併陳明下兵部知之○丁巳以奎煥爲內閣學士○戊午諭有人奏廣東頻遭水患皆由
土壘佔築圍壩牟利所致現聞順德縣人胡玉林卽胡傳盛申通省紳羅家言賄託香山縣知縣蕭炳堃
領批圍築大南沙田數百頃追各業戶赴沙踏勘胡玉林膽敢率眾放鎗幾釀巨案請飭查辦等語私築
圍壩壅塞水道例禁甚嚴若如所奏胡玉林等輕築武斷漁利殃民實屬罔聞之害著張之洞倪文蔚按
照所參各節澈底查辦據實覆奏○庚申諭慶裕等奏查勘永陵應修工程請擇吉興修一摺著欽天
監於本年四月內選擇吉期先行知照卽著盛京將軍會同工部侍郎屆期敬謹興修○辛酉諭前據給
事中洪良品奏閩省監司各員同謀軍事又據都察院代遞編修潘炳年等奏防勇擾民道員司徒緒等

貧劣等情先後諭令左宗棠楊昌濬確查茲據查明復奏福建布政使沈葆楨被參堅不撥餉貽誤軍事剛愎自用援引私人及私挪公款漁利等情均查無其事惟聞警之際該藩司移咨出署人言藉藉雖據聲稱係其弟挈眷回家該藩司未能阻止實屬不合沈葆楨著交部議處道員朱明兆所帶勇丁缺額營務廢弛且該員年力就衰所請原品休致尙覺輕縱朱明兆著勒令休致道員陳維漢所帶防兵恃強擾民衆怨沸騰該員昧於事體幾至激變道員盛世豐辦理通商局務各差操守平常輿論不協陳維漢盛世豐著一併革職道員方勳前駐馬尼船廠雖克保全惟所部分防礙勇聞警先逃平日紀律不嚴已可概見方勳業經撤銷勇號仍著交部議處參將楊廷輝招募勇丁聞警卽潰著交部議處○壬戌諭軍機大臣等張之洞疊次電奏均悉據稱劉永福可調思欽不願從者假名字者我恐難問官軍入界諒山暫交越官看守所籌均是至所稱邊外游勇無算黑黃旗近雲境尤多議以高平等處開墾自給設項目受約束資以軍火等語此則必不可行官軍撤回邊界隨營勇丁安分可用者自應隨同入邊邊防正須重兵卽可募補入伍至游手無賴之徒既不願從豈受約束予以軍火適爲助亂之資必因此多生枝節擾邊擾越擾法均足爲患畫寬賊脫現飭籌議如果議定亦豈能安插此輩防軍撤回後此等游勇我自可置之不問前諭岑毓英將劉永福一軍妥籌安插嗣據張之洞奏請令屯紮思欽一帶復諭令與岑毓英

商辦現尙未據岑毓英覆奏劉永福現駐陸安州該督前奏僅餘五百人著卽飭令督率所部隨同入關遵照前旨辦理至其餘未盡事宜應如何措置妥協以期慎固邊防無貽後患岑毓英親駐邊外自必詳悉情形著卽熟籌速奏○癸亥以鳳秀爲盛京兵部侍郎○甲子 上詣 壽皇殿行禮○乙丑諭軍機大臣等有人奏廣東學政葉大焯串同幕友舞弊貪利無厭科考廣州時國姓尙設澳門有神羽二姓應考者各一人同時入選閩省喧傳學署得七十萬金按試惠州投考之王姓廖姓數百人皆被抑而特取一二人赴試之文彭所得又將百萬家論喧傳羣毀試院轅門該學政張皇失措再行招徠將文彭二姓扣除其時眾志皇皇遽調駐省勇丁前往彈壓等語所奏是否屬實著張之洞確切查明據實具奏毋稍徇囑原片著鈔給閱看將此諭令知之○己巳諭軍機大臣等李秉衡電稱前獲之象似宜發還並法官等擬俟約定遣歸等語蒙爾既老母居解京卽在廣西關外擇地安置降將阿岑里著飭令隨營効力妥爲駕馭法官兵九人俟祥約定後聽候諭旨○文緒祿彭奏奴才等前經附片陳請沿江建卡派兵籌給鹽菜經手扼守委員晒勘地方再行擬章繪圖具奏欽奉 諭旨允准當卽飭令前派委員記名協領雙福等詳加晒勘等擬稟覆去後茲據稟稱於上年十一月二十七日遵札帶兵入山履踏冰穿林越澗於正月初三日始抵漠河山當時開導情形業已馳稟在案茲順大江周履以王哈達起至莫里勒柯河

等處止計程約一千六百餘里。踴定建卡地方二十處。隨時標記繪圖。貼說。稟報前來。奴才等詳加考核。地均扼要。各卡相距均在八九十里。聲氣亦尚屬聯絡。現屆春融。積雪漸化。自應趁時舉辦。以資扼守。惟建卡之處。距各城太遠。曠野深山。渺無人煙。不特坐卡官兵。日需口糧。尚須兵力。轉運源源接濟。且禁止華民。竊入亦最關緊要。若僅靠新設卡官一員。兵十名。扼守當此之際。力量單薄。不足以資鎮守。奴才等擬由黑龍江齊齊哈爾墨爾根布特哈四城練軍步隊內。按每卡添兵十名。共計新陳卡倫二十二處。共撥練軍二百二十名。協同坐放。仍委記名協領雙福佐領常雲等前往。各該處節制。各卡妥籌辦理。以上共建卡房二十處。應需銀兩。並坐卡官兵月領鹽菜。均由庫存餉項下。借動撥放。俟洋藥釐捐集有成數。卽行提歸原款。已於三月十五日。飭令一律起程。各赴指定處所。認真坐放。以固邊防。得旨。戶部知道。單圖併發。

夏四月己巳朔時享 太廟遣本格格恭代行禮○岑毓英奏南官前被法僧誘惑不克自拔經臣宣佈朝廷德威察皆望風嚮義願為前驅而其間亦有甘心從寇賊地勾結者先後據該國官民密報有夏和縣知縣阮茂潛通法人當經拿獲監禁後有宣光巡撫黃和協安平知府陳克昌等首鼠兩端近居安平縣營僅四十里數月不來自劉永福失利後私度有瑕可攻膽敢詭詞到營求見合探虛實旋據興化

巡撫阮光碧密報近有法人千餘欲繞至安平抄我軍後等語一面督飭後路各營嚴密防範一面密遣員弁帶勇兩營前往安平駐紮窺其動靜可疑即將黃相協陳克良拿解到營該南官既不肯爲本國出力隨營自効已屬咎有應得又復勾賊竄擾更屬罪不容誅惟係屬國官職尚未敢擅便除將該南官黃相協陳克良阮茂一併解發雲南開化府暫行禁錮恭候 諭旨飭下欽遵辦理外謹附片具陳 上諭軍機大臣等毓英奏奉越南叛臣等請黃相協陳克良阮茂均著即行正法此旨著張之洞密電岑毓英知悉○庚午大祀 天於 圓丘遣隆勳恭代行禮○紹祺奏奴才於正月二十五日隨帶司員山口起程業經奏報在案茲於二月初八日行抵歸化城當即咨行綏遠城將軍歸化城副都統薩拉齊顯提到人證卷宗並各處呈出地圖惟達拉特貝子案特那木綢察克呈請現患身體浮腫腰骹疼痛動履維艱等症不能到案奴才隨派歸化城同知前往查驗實係因病不能動履出具甘結呈報前來奴才遂與伊克昭盟長貝子扎那濟爾迪相商據云該旗協理台吉圖薩拉克齊等皆係承辦旗務之員應向伊等查訊與該貝子無異等語奴才隨將兩造人證傳集督飭司員等分別研訊詳加考核查例載凡游牧近山河者以山河爲界無山河者設立鄂博爲界越界游牧者王以下罰有差然例載只有以河爲界一語而河道遷移應以新槽舊槽爲斷例解明文查乾隆四十九年舊案有黃河北遷土默特界內之地

關於河南當日達拉特備文咨行綏遠城將軍歸化城副都統薩拉齊同知各衙門內云黃河北移係屬天意達拉特與土默特既以黃河爲界土默特之人卽不得在河南耕種請將土默特佃戶民人搬逐收回河北將房屋拆毀以清界址等語復查舊案又有因黃河以南地戶民人延不拆房達拉特咨催薩拉齊同知請將民人治罪一件又查有薩拉齊同知詳報副都統衙門黃河以南民人將房屋盡行拆毀人回河北地歸河南兩界無涉各在案就此數案而論是當初原以現行黃河爲界並不論新槽舊槽至乾隆五十一年欽奉通飭上諭一道應以黃河舊流之地爲界自奉此旨以後則不能論現行之河矣但欲考新槽舊槽必須由地圖勘定復查達拉特卽伊克昭盟鄂爾多斯七旗之一地界本無專圖所以各衙門亦無原頒地圖今達拉特呈出鄂爾多斯七旗全圖一張圖中所載與土默特分界處所黃河止有一道由乾隆年間至今黃河分岔數道歷年既久支河與正身無從辨認現在土默特與達拉特新舊之圖地名參差村落互易多不足據達拉特指迤北之乾河爲舊槽土默特指迤南之水爲現流舊槽各執一詞礙難憑斷此又必須履勘地勢方可推求奴才率同隨帶司員親履河干勘得土默特與達拉特所爭之地西北自交界營村起至東南準噶爾旗界止西南自西呢台起至東北沙河尖子村止正南自現行黃河起至正北燈口村前止東西縣長約八九十里南北約十餘里或二三十里不等統計地

約有七八千頃其中種地民戶約有百十餘家今由土默特西界福徵寺之香火地起而論水分四道而
來流至中間山北轉向東南則統歸一河直由西而東矣故此地東頭迤北則乾河一道小岔乾河又一
道迤南則現行之河一道前任綏遠城將軍豐紳與現任將軍克蒙額歸化城前副都統奎英等俱斷以
由北福徵寺香火地之南起順流而下由西北而東南轉向正東之現行黃河所有河北之地斷歸土默
特河南之地斷歸達拉特貝子索特那木綰素克以向斷不公復在理藩院呈控綏遠城將軍克蒙額等
以達拉特抗不遵斷奏參各在案此其間大理寺少卿郭勒敏布以綏遠城將軍所參跡近抑勒達拉特
尚有冤抑請 旨派員查辦暫署山西巡撫奎斌又以確有風聞綏遠城將軍克蒙額歸化城副都統奎
英偏袒土默特所斷不足以昭公允專摺奏參奴才奉 旨查辦此案初閱理藩院原奏與暫署山西巡
撫奎斌等所奏各摺件黃河南移達拉特之地濶於河北而該將軍等將河北之地斷歸土默特似覺顯
有偏袒及馳抵歸化城調齊前後案卷逐件按年詳細檢查與初見此案懸揣情形大有不同乾隆五十
一年以前之案皆係以現行之河為斷確有案據可憑且非止一案乾隆五十一年欽奉 諭旨以後應
以舊槽為斷更無他議惟各衙門檢查案卷並無原頒地圖又無足據支河與正身遷移年分既久腹勘
實難分辨奴才再四熟思惟有以舊案新圖互相考證悉心檢查必須指出實據核斷方能折服兩道之

心細閱薩拉齊廳卷宗內有官糧地畝係國初土默特所獻之地定爲官糧由薩拉齊同知徵收糧租以濟綏遠城兵米乾隆年間黃河北移官糧地亦有衝廢因此項糧租兵米攸關當年綏遠城將軍奏請將封禁土默特私墾山溝地三塊撥補官糧地畝招民耕種以足兵食綏遠城將軍衙門亦存有檔案是官糧地在土默特界內毫無疑義今達拉特所指爲舊槽之乾河在官糧地之北焉有土默特界北又有達拉特地界奴才於履勘時親臨官糧地界眼同伊克昭盟長貝子扎那濟爾迪將達拉特承辦旗務之薩拉克齊等一一指明詳細辨論伊等亦理曲詞窮無所爭辨其有所指乾河實非舊槽甘結一紙此舊槽的非移北之乾河也至土默特所指現流黃河爲舊槽其所指爲確據者係當年黃河北移達拉特遂該旗蒙民文內有速將烏藍布隆居民撤回之語查烏藍布隆在現流黃河北岸今土人皆呼爲紅眼窩村土默特指爲卽是此地證之達拉特則曰烏藍布隆並非紅眼窩村詢以烏藍布隆究在何處伊又以不知爲對是烏藍布隆果否紅眼窩村亦屬似是而非統論該兩旗所爭之地達拉特所指之乾壕已經證明絕非舊槽土默特所指現流黃河爲舊槽亦難遽信奴才奉命西來查辦此案惟有一秉大公持平論斷不能因前有斷案便作隨聲附和之言亦不敢因已有彈章遂失公是公非之正查綏遠城將軍克蒙額等去歲查辦此案係援引山河爲界之例以東西書界西頭福微寺香火地之南迴圍約二三十里

斷歸達拉特東頭現行黃河北約六七十里斷歸土默特雖斷歸土默特之地較多然當年湔於河南之地官屬不少案卷昭然不得謂之偏袒而達拉特仍以爲不公者因黃河北移數十年矣所占之地已有項墓召廟該旗人恃爲常業一旦斷歸土默特失業之人既多遷移之地匪易是以始終狡執不肯輸服要知此係私意非公論也奴才體察情形酌中擬議捨東西分界之外只有南北分界今兩旗皆無確切案據請將乾壕以南現流黃河之北所有地畝丈量明確按照里數援引乾隆五十一年成案創壕立碣進北之地以六成斷歸土默特進南之地以四成斷歸達拉特緣當年撥補糧地案內曾經奉旨衝廢官糧地畝如果日後湔出仍給土默特作爲牧廠等語今官糧地已經湔出皆在乾壕南岸此地既不在兩旗戶口地內又前經有旨賞給土默特作爲牧廠自應歸入土默特管業故進北以六成爲斷者糧地在其中也此奴才體察情形酌中擬議此案兩旗界址有關永遠遵行之件應如何辦理奴才未敢擅便謹繪圖貼說恭呈 御覽伏候 欽定 上諭土默特達拉特兩旗爭地一案前據理藩院查覆大理寺少卿郭勒敏布所奏各節請飭綏遠城將軍覆奏並因奎斌奏稱此案克蒙額未能深悉情形奎英跡涉偏袒當派紹祺馳往查辦茲據該都統確查覆陳據稱體察情形酌中擬議請將乾壕以南現流黃河之北所有地畝丈量明確援照成案創壕立碣進北之地以六成歸土默特進南之地以四成歸達拉特

恭候欽定等語卽著照所請行至克蒙額辦理此案及奎英被參各節既據查明均無不合卽著毋庸置議惟士默特參領於領催等攤缺差錢未能認真查辦實屬咎有應得參領音德布等十二員著理藩院查取職名一併議處其所請將斷歸士默特地畝徵租練兵一節著綏遠城將軍妥籌辦理總期營務地方兩無妨礙以垂久遠該衙門知道○丙子李鴻章電致總理各國事務衙門徐承祖初六電稱今日井上來謂駐朝中日兵丁現屢滋事恐釀巨案致乖友誼彼意條約互易後兩國宜卽派大員往朝撤兵不必拘定期限惟於未請西人之先請朝王派一妥武員暫攝兵事又謂俄英德法人似均不可請因一恐攬權一恐生他國疑惟美荷比人似屬可用請煩電致政府酌奪等語承祖竊度既許撤兵則遲早似無不可宜派二三兵船常駐朝鮮俄英等人不可委用頗有深意鄙意以美弁爲宜可否許其派員赴朝料理撤兵及一切善後事宜請酌奪轉電總署請 旨電示陳樹棠家丁被日兵殺斃已請外部秉公辦理云云查伊藤前言條約批准後彼卽派員往撤日兵茲據卽料理撤兵似無不可惟華軍駐朝年久輜重人數較多須分批妥辦總不得踰四箇月限期朝王擬僱美弁教習亦尙未到得 旨條約互易後兩國卽撤駐朝防兵不必拘定期限著照所請行○岑毓英奏 於光緒十一年三月初八日接奉二月二十二日電寄 諭旨法人現來請和於津約外別無要求業經允其所請約定越南宣光以東三月初一日

停戰十一日華兵拔隊撤回二十一日齊抵廣西邊界宣光以西三月十一日停戰二十一日華兵拔隊撤回四月二十二日齊抵雲南邊界臺灣定於三月初一日停戰法國即開各處封口已由李鴻章分電沿海滇桂各督撫如約遵行惟條款未定之前仍恐彼族挾詐背盟伺隙卒發不可不嚴加防範著傳諭沿海各省將軍督撫並雲南廣西督撫及各路統兵大臣督飭防軍隨時加意探查嚴密整備毋稍疏懈是爲至要等因欽此臣跪讀之下當即欽遵辦理竊查臣於二月二十七日曾將收復廣威不拔各府縣暨攻克堅壘並擬移紮要隘分兵攻守各情奏報在案隨即將同安中門連山清水溝各營陸續移紮道岸安平寒莽白木安隆縣各隘三月初六七日疊據總兵覃修綱稟稱初三日法人駛輪船二隻來攻端下武文各營經督帶義字營王玉珠率眾禦戰擊退法船泊回中河口初四日匪首丁文榮等率教匪千餘攻凌霜屯經飭越兵丁文成丁功任率眾援戰斬殺匪首五名教匪百餘名賊始卻退入興化城中越兵直逼城外里許之地紮營圍困以斷賊糧督帶義字副五營張文擊進攻國威府頗多斬獲山西布政使阮文甲亦收復永祥府各等情前來臣查法人自宣光圍戰臨洮挫衄之後傷亡不少屢戰皆敗法之在越番痛淫虐加以重斂人口有稅屋廬有稅墳墓有稅越民積不能堪懾其威制莫敢誰何自官軍入越兵勢大振加以招徠越民望風吐款自山西河內興安甯平南定各省共舉義旗來迎臣查探屬實並

悉甯平南定興安三省法兵無多其教民半皆攜貳臣是以擬請分兵渡河先取甯平南定興安其山西
河內每省紮官軍五千土兵五千開挖地營清野斷糧與之久持不攻自困又查三猛十洲之地延袤五
百餘里北接滇邊臨安府蒙自縣建水縣界邐邐而西接元江他郎思茅普洱各府廳又西南遂遠車里
南寧地方其間設州治十四縣治四蠻越地之要隘滇疆之門戶刁氏世襲該地土職民望所歸臣因遣
知縣徐鳳池附生羅金瑞前往招徠該處邊府知府刁文據承命嚮應並遣其子萊州知州刁文持倫州
知州刁文操枚州知州刁文抱各率數百人前來投効願隨總兵丁槐渡河並認守猛德河口爲丁軍轉
運糧械臣當卽發給餼銀二千兩並以山西布政使阮文甲爲嚮導發給餼銀一千兩越領兵黎英秀黎
英明等願作頭隊又共發銀二千兩於初六日渡河法人聞風恒懼輒遣越民來前敵投遞文書內稱和
議已成乞請罷兵停戰臣以法人狡詐未足深信隨即接奉兩廣督臣張之洞電寄諭旨欽悉和議果
定臣何敢狃偏隅之勝冒昧圖功遵卽截止丁槐渡河之兵並檄止頭隊之兵復傳諭各將領遵於本月
十一日一律停戰續卽撤師入關整備隨時加意嚴防伏念善後事宜頭緒甚紛所最難安置者莫若招
集之越民共有八九千人經臣發給餼械編列成營屯紮興化山西河內三省之府州縣地方助戰屢有
斬擒皆倚官軍爲重今官軍一撤此輩卽如嬰兒之失父母窮無所依聚之則爲法仇散之則爲法虜若

宣光興化以西之地仍歸我有庶可安置越民其間如興化巡撫阮光碧山西布政使阮文甲山防止使
范文迪山興幫辦阮繪莫邊府知府刁文撐昭竹州知州阮文光皆慷慨足以任事又王玉珠黃功詠湯
宗政阮文如張文舉陳春檀黎英秀黎英明潘有正何文生武文多黃文達阮文美陳文雲黎光輝李得
選黎文兌劉續成等察其才志亦可圖功使之得地而居必能布置裕如捍禦邊境至提督劉永福人地
實不相宜留居北圻恐啟邊釁可否仰懇 天恩於海疆實一總兵員缺俾之內徙乃為穩妥又刁氏父
子情殷內附其三猛十洲之地尤屬要區倘蒙 恩准徵給刁文撐等以宣撫土司之職必能報効如此
則邊外之版圖稍擴滇疆之門戶益堅即使法人背盟戰守皆有餘地茲謹另繕三猛十洲州縣地名清
單恭呈 御覽 上諭軍機大臣等岑毓英奏停戰撤師仍嚴密整備一摺覽奏均悉阮光碧等情殷効
順實屬深明大義現在詳約未定著岑毓英設法維繫其心儻有驅策之處仍可得力所奏請徵給刁文
撐等宣撫土司之職邊界現未定議且屬國地方官員向不由中朝除授應毋庸議刁文撐等如果情殷
內附該督當查明實係安分尤為出力者令其隨同入關妥籌安插請旨遵行其仍留越境者應俟定界
後奏明分別辦理劉永福仍遵前有飭赴欽州歸張之洞調遣○丁丑予故提督譚拔萃照提督軍營立
功後在營病故例議卹戰績交國史館立傳○己卯 上諭 大高殿祈雨○諭理藩院奏呼圖克圖捐

輸銀兩請移獎其師聲明請旨一摺棍囑扎拉參呼圖克圖捐輸銀兩急公好義甚屬可嘉加恩著賞給
伊師沙布嚨普爾覺羅布藏楚精甲木巴勒嘉木嗟屬信禪師名號以示優異○庚辰諭桂全奏拿獲闖
門人犯請交部審訊一摺禁門重地該犯費永祥等膽敢任意闖入並帶有器械藐法已極費永祥等五
名著刑部嚴訊治罪嗣後前鋒統領護軍統領務當督飭弁兵隨時實力稽察毋得稍形疏懈○辛巳諭
李鴻章奏請將虧短銀兩延不完繳各員分別查抄備抵等語除已故知縣祥譜未完銀兩業經鑲黃旗
滿洲都統具奏該故員家屬如數繳清外已故知縣蘇玉已革知縣邵鉞已革同知任慶三已故知縣郭
功叙各於任內虧短正雜等項銀兩前經勒限嚴催迄未如數完解殊屬玩延著李鴻章查明各該員歷
過任所寓所有無資財寄頓分別查抄備抵並著該督咨行各該旗籍將該員等家產一併查封備抵○
諭李鴻章奏廳員冒銷工款查明嚴參一摺永定河南岸同知陳遐心於上年屬汛搶險將已革汛員李
重華報銷用款代爲造辦冒銷銀五百餘兩並未轉發旋因李重華被參始行繳出猶敢飾詞狡賴實屬
監守自盜膽大妄爲陳遐心著卽革職發往軍臺効力贖罪以示懲儆○乙酉以景廉爲內閣學士○丙
戌諭軍機大臣等李鴻章奏法電稱吳稅司言滇督不肯退兵回界謂須奉旨全退方可欽遵等語其言
固不足信據撤兵之期早經約定且滇軍路遠已議展十日現在條款不日書押爽約之衅豈可自我而

開岑毓英惟當懷遠盛次諭旨將全軍按期速撤至界並與張之洞嚴催劉永福一軍如期撤回滇界再赴思欽中外交涉惟以信義爲重況中有屢降大計攸關在運糧未能清悉情形何得於事及垂成再生異議將來設有貽誤致蹈上年覆轍該督等豈能當此重咎耶岑毓英接奉此旨後即將起程及何時抵界日期速行電聞○諭都察院奏已革河南汝寧府知府周冠遺抱以被參冤抑等詞赴該衙門呈訴據稱鹿傳霖札調赴省會審汝陽縣教匪一案係於十年正月到省並非抗不遵調乃因稟詞拂意逞忿誣參實屬冤抑等語前據鹿傳霖奏參周冠於教匪要案原訊未能得實且有剛愎任性聽信劣幕等情當卽降旨革職並非僅因抗不遵調一節何得藉詞演訴妄生希冀所呈著毋庸議○丁亥 上詣 大高殿 宣神廟祈雨○戊子諭龍福奏遵保人才一摺直隸承德府知府嵩林刑部主事陳慶豐熱河右翼協領穆哈廉均著軍機處存記○己丑諭龐際雲奏特參交代案內虧短各員一摺據稱湖南已革知縣王珠璣已故通判梁葆頤已故知縣董繼芳歐陽斌陸烜前於各任內虧短正雜各款久經勒限嚴追迄未解繳實屬玩延王珠璣著卽行拿問監追梁葆頤董繼芳歐陽斌均著革職與陸烜一併查抄家產由龐際雲查明各該員原籍督撫府尹嚴密查抄並著查各員歷過任所有無貲財寄頓分別查封備抵以重庫款○賞給湖南耆紳徐葵三品卿銜○庚寅諭軍機大臣等滇省各營除已撤回滇境外其暫留關

外者著迅速一律撤回邊界勿逾定期該督應卽在防調度一切不准意存推諉違行回省所請飭派熟悉洋務人員赴滇之處俟詳約定後再行辦理向來分界通商事宜係地方官吏專責該督務當先事豫籌不得以此次未與和議計較不諳洋務輒思置身事外○壬辰諭軍機大臣等李鴻章電奏林椿來言法約定一月內退澎湖如劉永福不退保勝澎湖亦須遲退等語現在詳約將定中外交涉惟重信義劉永福一軍亟應如期撤回著岑毓英張之洞懷遵十八日電旨嚴催該提督卽率所部返回滇界再赴思欽不准稍有遲延致令藉口其起程抵滇日期仍速電聞○諭軍機大臣等有人奏江西丁漕積欠甚多等語丁漕係維正之供開該省除災緩不計外歷共短徵銀五百餘萬兩何竟積欠如此之多其弊安在著德馨破除情面認真確查據實具奏不准稍有含混○諭本日據刑部奏審明曹泳祥闖入禁門一案將該犯擬以絞決已有旨依議行矣迭經降旨嚴申門禁該前鋒統領護軍統領宜如何實力奉行督飭弁兵認真稽察乃竟有匪犯闖入情事玩泄成風殊堪痛恨值班之護軍統領恩全著交部嚴加議處是日東華門值班章京並著查取職名交部嚴加議處以示懲儆嗣後該統領等及值班弁兵倘敢仍前疏懈定當從嚴懲辦決不寬貸○諭南北海爲禁苑重地理宜整肅乃昨見牆垣多有拆毀坐落處所亦有往來行走痕跡其爲平日閒雜人等潛行出入已可概見該管各官漫不經心實屬不成事體景壽慈銘

崇光均著交部議處郎中立山著簡去頂戴以示懲儆嗣後務當隨時認真稽察不得仍前疏忽致干重咎○甲午諭鹿傳霖奏遵旨陛見請催調任撫臣一摺前有旨令邊寶泉俟鹿傳霖到任後來京陛見鹿傳霖現交部起程河南巡撫著孫鳳翔護理○乙未大學士直隸總督李鴻章刑部尚書錫珍鴻臚寺卿鄧承修與駐華法使巴特納在天津會訂越南新約十款成其文曰 大清國 大皇帝大法民主國大伯理璽天德前因兩國同時有事於越南漸致齟齬今彼此願爲了結并欲修明兩國交好通商之藩誼訂立新約期於兩國均有利益卽以光緒十年四月十七日在天津商訂簡明條約光緒十一年二月二十八日奉 旨允准者作爲底本爲此兩國特派全權大臣會商辦理 大清國 大皇帝欽差全權大臣文華殿大學士太子太傅北洋通商大臣直隸總督一等肅毅伯爵李 欽差總理各國事務大臣刑部尚書管理戶部三庫左翼世職官學事務鑲黃旗漢軍都統錫 欽差總理各國事務大臣鴻臚寺卿鄧大法民主國大伯理璽天德欽差全權大臣賞給佩帶四等榮光寶星並瑞典國頭等北斗寶星駐紮中國京都總理本國事務巴特納各將所奉全權文憑互相校閱均屬妥協立定條約如左 第一款一越南諸省與中國邊界毗連者其境內法國約明自行弭亂安撫其擾害百姓之匪黨及無業流氓悉由法國妥爲設法或應解散或當驅逐出境並禁其復聚爲亂惟無論過有何事法兵永不得過北圻與

中國邊界法國並約明必不自侵此界且保他人必不犯之其中國與北圻交界各省境內凡遇匪黨逃匿卽由中國設法或應解散或當驅逐出境倘有匪黨在中國境內會合意圖往擾法國保護之民者亦由中國設法解散法國既擔保邊界無事中國約明亦不派兵前赴北圻至於中國與越南如何互交逃犯之事中法兩國應另行議定專條凡中國僑居人民及散勇等在越南安分守業者無論農夫工匠商賈若無可責備之處其身家產業均得安穩與法國所保護之人無異 第二款 一中國既認明於法國所辦弭亂安撫各事無所掣肘凡有法國與越南自立之條約章程或已定者或續立者現時並日後均聽辦理至中越往來言明必不至有礙中國威望體面亦不致有違此次之約 第三款 一自此次訂約畫押之後起限六箇月期內應由中法兩國各派官員親赴中國北圻交界處所會同勘定界限倘或有界限難於辨認之處卽於其地設立標記以明界限之所在若因立標處所或因北圻現在之界稍有改正以期兩國公同有益如彼此意見不合應各請示於本國 第四款 一邊界勘定之後凡有法國人民法國所保護人民與別國居住北圻人等欲行過界入中國者須俟法國官員請中國邊界官員發給護照方得執持前往倘由北圻入中國者係中國人民只由中國官員自發憑單可也至有中國人民欲從陸路由中國入北圻者應由中國官請法國官發給護照以便執持前往 第五款 一中國與

北圻陸路交界允准法國商人及法國所保護之商人並中國商人運貨進出其貿易應限定若干處及
在何處俟日後體察兩國生意多寡及往來道路定奪須照中國內地現有章程酌核辦理總之通商處
所在中國邊界者應指定兩處一在保勝以上一在諒山以北法國商人均可在此居住應得利益應遵
章程均與通商各口無異中國應在此設關收稅法國亦得在此設立領事官其領事官應得權利與法
在通商各口之領事官無異中國亦得與法國商酌在北圻各大城鎮據派領事官駐紮 第六款 一
北圻與中國之雲南廣西廣東各省陸路通商章程應於此約畫押後三箇月內兩國派員會議另定條
款附在本約之後所運貨物進出雲南廣西邊界應納各稅照現在通商稅則較減惟山陸路運過北圻
及廣東邊界者不得照此減輕稅則納稅其減輕稅則亦與現在通商各口無涉其販運鎗砲軍械軍糧
軍火等應各照兩國界內所行之章程辦理至洋藥進口出口一事應由通商章程內定一專條其中越
海路通商亦應議定專條此條未定之先仍照現章辦理 第七款 一中法現立此約其意係為鄰邦
益敦和睦推廣互市現欲習體此意由法國在北圻一帶開闢道路鼓勵建設鐵路彼此言明日後若中
國酌議創造鐵路時中國自向法國業此之人商辦其招募人工法國無不盡力勸助惟彼此言明不得
視此條係為法國一國獨受之利益 第八款 一此次所訂之條約內所載之通商各款以及將訂各

項章程應俟換約後十年之期滿方可續修若期將滿六箇月以前議約之兩國彼此不預先將擬欲修約之意聲明則通商各條約章程仍應遵照行之以十年爲期以後倣此 第九款 一此約一經彼此攤押法軍立即奉命退出基隆並除去在海面搜查等事攤押後一箇月內法兵必當從臺灣澎湖全行退盡 第十款 一中法兩國前立各條約章程除由現議更張外其餘仍應一體遵守此次條約現由大清國 大皇帝批准及大法國大伯理璽天德批准後即在中國京都互換○李鴻章奏 臣等欽奉三月初六日 上諭本日已有旨派李鴻章爲全權大臣與法國使臣辦理詳細條約事務並派錫珍鄧承修前往天津會同商辦法使巴德納不日到津所有應議事宜關係重大李鴻章務當與錫珍鄧承修會同詳細妥籌臨機因應與法使據理辯論毋得意存遷就總期無傷國體不貽後患仍隨時奏明請旨遵行等因欽此仰見 聖謨開達訓示周詳曷任欽悚 臣錫珍 臣承修 臣等謹於三月初十日抵津會晤 臣鴻章密商詳細條約並由總理衙門王大臣飭總稅務司赫德與巴黎法外部電商辦理巴德納至津彼此拜晤初未談及公事三月十六日接奉醇親王禮親王慶郡王公函以赫德面交法都所擬詳約十條皆本上年津約之意略有出入現酌改數處囑 臣等再行酌度具覆 臣等當據實具陳去後嗣迭准慶郡王等密函屢次刪改辯論之處甚多均隨時進呈 御覽遵 旨酌辦三月二十九日先將第一

三四七八九共六條彼此均允照辦四月初三初六等日復將第五六條核訂先後鈔交臣等與巴德納督同中法編譯官詳確考究講解文義間有不符復函請王大臣與赫德丁禮良等妥細校正寄山臣等與巴德納面定仍請總理衙門隨時奏進請 旨遵行四月十九日第二十兩條亦經法電遵改巴德納譯送臣等又織請慶郡王令赫德丁禮良另譯進呈二十三日奉 旨此次議約往返電商各條均尙得體本日披覽改定第二第十兩條亦最妥協著李鴻章等再將各條詳加核對如意義相符並無舛錯即舊定期畫押等因欽此臣等復與巴德納面商擬加核定隨即電奏在案該使屢催剋期畫押訂於四月二十七日齊集公所將中法文四分會同校對無訛均各畫押鈐印竣事彼此各存正副本二分竊維中法兩國爲越事戰爭數年勝負互見今乘諒山大捷之後 皇威震懾薄海同欽法都既有悔禍之誠中土亦可藉收戢兵之益仰蒙 皇太后 皇上堅持定見杜要求之詭謀擴懷柔之大度諸王大臣和衷匡弼實力贊襄自本年正月迄今往復辯折煞費經營遂得定艱危於俄頃躋聖世於平康實天下臣民之福臣等從事其間專承 廟謨隨機因應幸無貽越斷不敢稍有草率致貽後悔此後惟冀總理衙門暨瀕粵各督撫臣恪遵條約分晰辦慎固封守聯絡邦交庶可防患於未萌相安於無事耳謹將條約正本封送軍機處進呈恭候 批准以便屆時互換其副本咨送總理衙門查核臣鴻章原奏全權大

臣 諭旨一道敬錄咨繳軍機處備查報聞○內中 上諭 大高殿 時應宮祈雨○李鴻章電致總

理各國事務衙門法約聲押已馳奏鴻臚另備照會令將前據平安輪船弁勇七百餘人全數交還已照復
允辦請將桂軍擒獲法國弁兵釋回並上海與前昨有涉被控之法館羅友張志瀛及贖給法船食物之
民人等懇恩寬免追究已據情片奏計三十日方奉到 批諭可否請 旨電飭欽差左閩督楊酌派通
曉洋務之員赴澎湖會商法兵官收還擄去之弁勇其山西贛載回者酌給船費並電 飭李秉衡將法
弁兵九人送交越境法兵官查收又電 飭江蘇督撫將因案牽涉之張志瀛等一併寬免追究伏候

聖裁巴候鴻照覆及條約批准信即管京乞代奏 上諭軍機大臣等李鴻章電稱中法詳約業經聲押

法使巴德納允將前據平安輪船弁勇七百餘人全數交還請將桂軍擒獲法國弁兵釋回等語著李鴻

章迅派委員前赴澎湖會商法兵官約定日期將擄去弁勇王仁和等七百餘人妥為收回其中如有被

敵傷害者必須與之理論至山西贛載回者酌給船費均由該督妥辦並著將約定之期電知李秉衡將

前獲法弁兵九人屆期派員送交越境法兵官收回至降將阿夢里仍遵前旨飭令隨營効力如何妥為

安置著李秉衡酌度奏明辦理○丁酉 頒給陝西榆林 府城隍廟 縣城隍廟 龍神廟及鎮川堡

黑龍潭 龍神廟匾額○戊戌 上詣大西天閼福寺植樂世界萬佛樓拈香○諭下寶第等奏故員積

學敦行懇准宣付史館立傳一摺已故湖北鄖縣知縣桂文燦同治年間進呈所著經學諸書奉旨留覽特予褒嘉嗣應詔陳言亦多可採其潛心經術講求實學足爲士林矜式著准其宣付史館列入儒林以爲研經耆勛○調沈鎔經爲廣東布政使隔際雲爲雲南布政使○是月比利時國新簡駐華使臣維禮用抵任

光緒七十

朱壽朋敬編

張毓英恭校

五月丁未大祀 地於 方澤遣魁斌代行禮○先是左宗憲奏防海以船礮爲先船礮以自製爲便此一定不易之理臣於同治五年奏設船政局於福建仿造外國兵船甫竣 俞允卽拜西征之命一切製造經歷任船政大臣斟酌辦理不敢耗費財力所製各船多仿半兵半商舊式近年雖造鐵殼快船較舊爲稍利然方之外洋鐵甲仍覺強弱懸殊船中鎗礮概係購配較外洋兵船所用又有多寡利鈍之故所以夷艘一開皆謂水戰不足恃也夫中國之地東南瀕海外有臺澎金廈瓊州定海崇明各島嶼之散布內有長江津滬閩粵各港口之洪通敵船一來處處皆爲危地戰固爲難守亦非易敵人縱橫海上不加痛創則彼逸我勞彼省我費難與持久欲加痛創則船礮不逮況現今守口之礮率購自外洋子彈火藥形式雜出各礮各彈南北洋雖能配補而礮身鎗管久必損缺各國既守公法一概停賣將來由雜而少由少而無誠有不堪設想者臣去冬布置閩海防務親歷長門金牌察礮臺飭將馬江被敵擊沈之礮起出安配粗足自固然礮位少而海口多陸師仍不能省兵多餉巨司庫難支不得已而有商借洋款

之舉夫借款必還必耗巨惠幸而軍務順手尚不失爲權宜倘夷釁日張海防日棘而徒剜肉醫瘡勉強支持何以抑強寇而靖海疆臣愚以爲攘夷之策斷宜先戰後和修戰之備不可因陋就簡彼挾所長以陵我我必謀所以制之因於船政局籌班出洋學生內酌考製鐵大略據稱泰西鐵廠不一當以法華士廠克虜伯廠安蒙士唐廠好爾黨廠四處爲最法克兩廠鐵身鐵筒鐵箱皆鍊成全鋼安蒙士唐廠筒用精鋼身用熟鐵好爾黨廠筒用精鋼身用鑄鐵皆擅專長然半鋼半鐵製費雖減惟有用久裂縫之虞不如純用全鋼價雖貴而無弊參觀比較仍以德國克虜伯英國法華士作法爲妙故中外各國用該廠之鐵爲最多中國欲興鐵政必於此兩廠擇一取法僱其上等工匠定購製鐵機器就船政造船廠開拓加增尅日興工鑄造雖經始之費需銀五六十萬兩而從此不向外洋買鐵即以買鐵經費津貼廠廠當亦有贏無絀惟製鐵之鐵與常用鐵器煉法不同必須另開大礦添機煉冶始免向外洋購鐵查福州穆源礦苗極佳閩中官民屢議開採以銷路不旺而止若用以製鐵取之甚便如能辦得二三百萬金礦鐵並舉不惟鐵可自製推之鐵甲兵船與夫火車鐵路一切大政皆可次第開辦較向外洋購買終歲以銀易鐵得失顯然泰西各強國於此等工程斷不貪購買之便而自省煩勞豈有以也各等語稟由船政局提調道員周懋琦轉稟前來臣查西洋各國二十年前尙無鐵艦所有兵船與中國船政局現製相

符卽礮位藥彈亦多前膛笨重之物論其昔年兵力物力本非能與我爲難孰料該夷逐漸請求日新月異兵船鐵甲厚至一尺有餘更以一二尺厚之陰丁魯泊如象皮膠者貼襯其裏以故剛柔摩撻實異常其後膛巨礮全重能力突過從前上海製造局所譯克虜礮準心法及兵船海岸礮位架圖說言之甚詳申報所載英國新造巨礮可受藥彈一千餘磅之重能洞穿五尺餘厚之鐵甲聞者莫不咋舌而自泰西各國視之亦尋常工作耳該夷修明武備不惜財力至於如此此次法夷犯順遊弋重洋不過恃其船堅礮利而我以船礮懸殊之故非獨不能海上交綏卽臺澎數百里水程亦苦難於渡涉及待開礮製辦補牢顧犬已覺其遲若更畏難惜費不思振作何以謀自強而慮外患耶穆源鐵礮臣接見閩省官紳均謂便於開採似應委員試辦並拓馬江船廠興工鑄礮臣又聞江南徐州鐵礮廠苗之旺甲五大洲若能籌款開辦卽於楚吳交界之處擇要設立船政礮廠專造鐵甲兵船後膛巨礮實國家武備第一要義臣老矣無深謀至計可分聖主憂勞目睛時艱不勝愧憤惟念開礮鑄製船廠各節事雖重大實係刻不容緩理合請旨敕下內外臣工迅速妥議具奏仍乞宸衷獨斷期於必行天下幸甚至目前福建軍務斷不敢因船礮未利託詞延誤至是李鴻章奏臣上年七月間遵旨選僱德國兵官來津當卽派往水陸各軍認真教練並經附片陳奏在案該兵官等或熟精礮陣式或諳習礮臺營壘作法皆由該

國武備院讀研出身技藝優長堪充學堂教師之選據總統前敵各軍選缺題奏提督周盛波總統盛軍
湖南提督周盛傳等稟請仿照西國武備書院之制設立學堂遴派德弁充當教師挑選營中精健聰穎
略通文義之弁目到堂肄業經臣批准照辦並令直隸提督李長樂廣東水師提督曹克忠署廣西提督
唐仁廉四川提督宋慶總統銘軍記名提督劉盛休正定鎮葉志超通永鎮吳育仁大明鎮徐道奎院南
鎮史宏祖等各挑選弁兵送堂肄業前來臣查泰西各國講求軍事精益求精其兵船將弁必由水師學
堂陸營將弁必由武備書院造就而出故稍略皆所素裕性習使然聞其武備書院學舍林立規模闕廓
讀研繪圖有所習藝練技有所專選世家子弟年少敏幹者童而習之長則調入營伍由隊目洊充將領
非可一蹴幾也當其肄業之初生徒比屋而居分科傳授其於戰陣攻守之宜直視爲身心性命之學明
夕研求不遺餘力而鎗礮之運用理法步伍之整齊靈變尤爲獨擅勝場我非盡敵之長不能制敵之命
故居今日而前武備當以其人之道還治其人若僅憑血氣之勇粗疏之材以與強敵從事終恐難操勝
算該提督等各遣弁兵來學誠欲因時制宜不得不變通盡利耳惟是武備書院之設應建廠屋甚多需
費甚巨目下經費支絀不能不力求撙節臣與津海關道周馥等籌商暫就天津水師公所安置生徒名
曰武備學堂遴委德國兵官李寶森發祿哲賓那珀博耶蘭士等作爲教師並選派通習中外文字之員

分充編譯卽於本年正月將各營送來弁兵飭該道等悉心考試擇其精悍靈敏者挑取百餘名入堂肄業其中有文員願習武事者一併量予錄取並令與該長官等妥立章程認真訓練數月以來各學生逐日按時進堂左圖右書口講指畫於西洋行軍新法頗有領悟一月之中每閱三五日由教師督率學生赴營演試鎗礮陣式及造礮臺之法勞其筋骨驗其所學每屆兩月由主派員扁試一次分別賞罰約計一年後於西洋後膛各種鎗礮土木營壘及行軍布陣分合攻守各法必能通曉屆時擬將頭批學生發回各營飭由各統領量材授事復挑二批弁兵百餘人送堂肄業分番迭進期無間斷其優者或留堂作爲幫教習或回營轉教員升數年以後教學相長觀摩盡善北洋各營必全曉西洋近日行軍制勝之方矣獨是泰西武備之學皆從大算輿地格致而來欲造其極詣必先通其語言文字乃能卽事窮理洞見本原擬俟經費稍充另行建立書院選募良家年幼子弟入院肄業以宏造就學成後再調營帶隊俾資歷練庶乎有本之學將材日出而不常可備 國家千城禦侮之用現時學堂經費除洋弁已遵 旨酌定辛俸教習編譯各員應酌量差事煩簡分別開支薪水外其餘學生飲食紙筆器具獎賞等項及添造住屋購買西洋兵事書籍圖畫測量儀器各極均擬在北洋海防經費內撥節開支按年核實彙報至學堂爲培植將才根基中土創辦之初風氣未開不可不多方誘掖以收鼓舞作新之效擬將教習編譯

各員及服者優等堪充教習之學生擇照同文館成案二年奏保一次以示鼓勵庶幾在事人等奮勉圖
功成就更速 上諭軍機大臣等現在和局雖定海防不可稍弛而宜切實籌辦善後爲久遠可恃之計
前據左宗棠奏請旨勅議拓增船廠大廠昨據李鴻章奏仿照西法創設武備學堂各一摺規畫周詳均
爲當務之急自海上有事以來法國恃其船堅礮利橫行無忌我之籌畫備禦亦嘗開立船廠創立水師
而造船不堅礮器不備選將不精籌費不廣上年法人登岸登次開仗陸路各軍屢獲大勝尙能張我軍
威如果水師得力互相援應何至處處牽制當此事定之時應前愆後自以大治水師爲主船廠應如何
增拓礮臺應如何安設鎗械應如何精造均須破除常格實力講求至於遴選將才籌畫經費尤應謀之
於豫庶臨事確有把握著李鴻章左宗棠彭玉麟穆圖善會同妥議張之洞楊昌濬各抒所見確切籌議迅
速具奏江蘇廣東本有機器局福建本有船廠然當時係就一隅創建未合全局通籌現應如何變通措
置或扼要設總廠之所或擇地添設分局以期互相策應呼應靈通並著李鴻章等妥議奏辦總之海防
籌辦多年糜費業已不貲迄今尙無實濟由於奉行不力事過輒忘幾成銅習該督等但爲朝廷倚任之
人務當放膽方略行之以漸持之以久毋得蹈常襲故擅拾從前敷衍之詞一奏罷責李鴻章左宗棠摺
著分別鈔給閱看將此由六百里各諭令知之○戊申蘇元春李秉衡奏臣元春於本年三月初四日在

越南諒山營次承准軍機大臣字寄光緒十一年二月初八日奉 上諭廣西關外軍務屢次失利潘鼎新調度乖方本日已降旨將該撫及王德榜均卽革職並令蘇元春督辦廣西軍務矣王德榜所帶各營卽著蘇元春接統竭力整頓妥籌撫馭王孝祺各營及湖南新撥周家盛暨廖長明所帶各營均歸該提督節制調度此外潘鼎新所部各軍尙有若干營均應歸併調度該提督久經戰陣現在肅此重任務當調和將士聯絡軍心邊境要隘應如何分派扼守必先自立於不敗之地再圖進取廣西巡撫已令李秉衡護理各軍後路餉械並諭源源接濟該提督隨時互商辦理馮子材一軍前據彭玉麟等電請調回廣東業經諭令潘鼎新酌辦軍情瞬息千變該軍應否調回著彭玉麟張之洞悉心籌商定議具奏將此由六百里各諭令知之欽此遵 旨寄信前來跪讀之餘仰 聖訓之周詳暨戎機之慎重當卽恭錄移行欽遵查照惟時諒山克復已閱兩旬且經奉 旨停戰撤兵不能不變通辦理所有湖南新撥之周家盛等營聞已早入粵境廖長明等營尙未山湘起程經臣秉衡函商臣元春飛書阻其前途復經兩廣督臣電奏奉 旨依議遵卽恭錄飭知分別折回中止以節糜費准軍鼎字五營先已奏明遣撤回籍尙有撫標中軍前二營亦係潘鼎新督帶在防經臣秉衡派員點驗汰弱留強歸併一營寬收實用亦已交臣元春節制調遣此外方友升統帶撫標親軍二營將宗漢統帶廣武十營先山潘鼎新撥歸調遣與臣原部

毅新鎮南熙字等軍除遣撤歸併外統計尚不下四十營其王孝祺勦字八營與馮子材萃字十營均係
東軍前者轉戰經旬克奏奇捷此後邊防兩粵督商相依應如何布置聯絡並顧兼籌當商請督臣隨時
裁奪惟王德榜統帶十營自湘遠來出關最久當奉 命交臣接統其軍之日正所部庸功迭著之時以
該藩司夙號知兵已著成效未便更章與臣秉衡往復商酌似應暫緩交替以繫士心並將奉 旨飭查
各節逐一查明據實奏覆固知 聖明洞鑒自有權衡惟應解候 恩施以昭激勸目下邊防布置正在
需人可否將所部十營仍歸王德榜統帶以期將士相習有裨邊陲臣元春既在一方亦當遇事熟商不
敢稍存歧視擬俟將來法約既定無有他虞再當察看情形請 旨辦理得 旨覽奏已悉王德榜一軍
著仍遵四月二十日諭旨辦理俟事定後應撤應留由李秉衡等酌度奏明請旨○以潘祖蔭署兵部尚
書○己酉 上諭 大高殿 時應宮祈雨○庚戌諭軍機大臣岑毓英等擬將宣興以西歸我及節司
設馬頭兩相保護各節該督於目前辦法殊屬誤會前於三月二十四日四月初八十八等日疊次電諭
該督撤兵入關並無一字令在關外布置迨四月二十二日該督奏到撤師日期摺內詳陳關內外分紮
各營當經諭令將關外各營一律撤回邊界勿逾定期諭旨極為明晰該督接奉後自應懍遵辦理乃昨
據李鴻章電稱法使接外部電華兵在越者尚未全退數計四月二十二日電諭已及兩旬何以尚未據

該督電奏全數撤回現在詳約已定基隆法兵已退彼既如約辦理我若遲延撤兵之期使彼有所藉口不特澎湖法兵未肯遽退且恐別生枝節貽誤大局該督豈能當此重咎耶究竟關外各軍及劉永福一軍於何日一律撤進關內卽著迅速電奏所有歷次電諭七道著再鈔給閱看○諭軍機大臣等李鴻章奏林樺云巴德納接外部電華兵在越者尙未全退仍據幾處地方似指前軍及劉永福日久違約不退恐澎湖未能早還等語四月十六二十四等日疊諭岑毓英將全軍按期速撤並嚴催劉永福一軍撤回○界均電知張之洞轉行遵照據張之洞電稱越民游勇爲梗道路不通該督究竟已否接奉前行雲南官軍及劉永福所部刻下已否撤竣著該督卽行遵旨迅速辦理○辛亥諭軍機大臣等理藩院奏遵議丁寶楨請准乍了入貢一摺據稱該呼圖克圖所請隨同察木多進貢一節未便阻其嚮化等語乍了情殷歸化係屬出於至誠卽著准其一體入貢惟事屬創始應如何按班呈進及酌定貢物人數著丁寶楨會同駐藏大臣詳細議妥明定章程請旨遵行餘著照理藩院所奏各節詳悉盤覆毋稍含混原摺著鈔給閱看將此由四百里諭令知之○諭岑毓英奏已革雲南巡撫唐炯前官四川辦事認真操守廉潔此次身罹重辟可否貸其一死等語唐炯失誤軍機罪由自取刑賞大權操之自上豈臣下所能預請岑毓英代爲乞恩實屬冒昧著交部嚴加議處○諭朝廷國治維殷無日不以爲念京畿入春以來雨澤稀

少迭次虔誠祈禱冀迓甘霖近聞丁寶楨奏川東一帶歉收平糶接濟又聞江蘇多雨是否有妨農事深
宮席系宵旰不忘民維邦本司牧者宜如何痛癢相關勸求保又各省如有水旱成災之處自應迅速
奏聞一面妥籌撫輯固不得任聽惰吏刁紳捏報災歉以遂其耗竊之計若地方官匿災不報亦當據實
嚴參不准稍涉徇隱總期閭閻實有裨益用副愛育黎元至意○注鑑奏臣伏讀康熙十二年 上諭自
古國家久安長治之模莫不以足民爲首務必使田野開闢蓋藏有餘而又取之不盡其力然後民氣和
樂聿成豐亨豫大之休現行糧荒定例六年起科小民拮据開荒物力艱難恐催科期迫反致失業朕心
深爲軫念嗣後各省開荒俱再加寬限迫計十年方行起科等因欽此仰見 聖慮周詳專爲足民起見
而科則賦稅均不暇深計所以自 國初至乾隆年間各省招墾以及新墾辦屯其因時制宜之法不一
而足有每戶給牛一頭並犂具銀共五兩穀種銀三兩備覓人工銀二兩者有准貢監生員民人墾地二
十頃以上試其文義通者以縣丞用否則以百總用百總以上文義通者以知縣用否則以守備用者有
招墾勸能則布政司以下均准議敘著有修溝渠立村堡給牛種招募兵民攜帶家室前往開墾授以永
業者總之良法美意具在方策惟我 列聖所以開久安長治之丕基要皆首務貴粟重農之實政方今
新墾之地則十荒七八腹省之曾經兵災者其地或荒十之二三十之四五不等而兵多餉絀糧貴民飢

無不上區 宸慮然而善後之策 愚則以爲不必奇材異能亦無事繁稱博引惟伏乞 飭下各部院
查取 會典所載康熙雍正乾隆時辦理屯田墾荒之成法參酌時宜妥議簡易章程行文各督撫將軍
及統兵大臣按所議詳加體察而潤澤之務臻妥善而實力奉行則兵之汰者可以歸農而餉之麗者可
以積穀馴至無曠土無游民而旱潦有備而 國家長治久安之道基此矣如或謂民田雖荒未便遽奪
以予人此則不知大體而姑息之說也土地所以養人卽令業主無缺正供而久荒不毛亦當示夫布之
罰而況久缺正供者乎又或謂兵勇惰驕不願力田作苦此更不識人情而異懦之說也兵之困也不憚
羅掘兵之奮也慣習矢石易鋒鏑以饒鋤狗惡不堪其苦則彼爲將領者所司何事敢有以不慣作苦藉
口者直以軍法從事可也否則遣撤之後此輩亦必聚而爲民害要之治在人而不在法屯田則在將領
之得人招墾則在司牧之得人存政舉不易之理也 上諭御史汪鑑奏請宜興屯墾以圖治安一摺
國家本計惟在足民屯田墾荒均爲目前要務迭經飭令各省次第舉辦第恐陽奉陰違未臻實效仍
著該將軍督撫等參酌成法實力奉行毋任法立弊生至墾荒地畝自以招集流亡業歸土著爲最善如
有客民承種情事亦應分晰查明持平妥辦以息爭端用副朝廷軫念民依至意○癸丑諭據岑毓英蘇
元春李秉衡奏保關外出力官軍業經降旨將該督撫等分別加恩因念直隸總督李鴻章兩江總督曾

國荃籌濟各路軍餉需平火尚能不分畛域自應量予恩施李鴻章曾國荃均著交部從優議敘○諭
前廣東高州鎮總兵楊玉科上年帶兵出關剿擒番匪臨陣捐驅深堪嘉憫前經降旨從優議卹茲再賜
祭一壇加恩予諡並將事蹟宣付史館立傳○諭軍機大臣等有人奏參廣東順德協副將利輝庇匪收
規營私濫職候補知府黃杰奏案得請嚴懲各情先後諭令張樹聲倪文蔚確查尚未據該督撫覆
奏茲復有人奏參利輝藐法妄為軍政廢弛等款並著彭玉麟張之洞查照歷次奏參各節一併澈底根
究據實參辦原摺片著鈔給閱看○諭軍機大臣等有人奏粵省吏治積弊太深臚陳賄賂之風賭博之
習差役之害請飭清查禁革等語著張之洞於到任後按照所奏各節認真清查禁革原摺片著鈔給閱
看○內辰諭曾國荃衛榮光奏核議部駁知州門丁被控指官詐贓一摺已革前署江蘇泰州知州長康
既經查明並無藉端科罰和庇家丁情事惟審理詞訟輾轉牽涉致令案證累累自盡咎無可辭業已革
職卽著毋庸置議此案於同治十年九月經刑部奏駁請飭研訊奉 旨允准時逾十數年之久始行奏
結殊屬不成事體所有辦理遲延歷任各督撫臬司著吏部查取職名照例嚴處嗣後各督撫等於交查
事件務須趕緊辦結毋得遲延干咎○汪鑑奏 伏願本月十三日邸鈔內閣奉 上諭屯田銀荒俱為
目前要務迭經飭令各省舉辦第恐陽奉陰違未臻成效仍著該將軍督撫等酌成法實力奉行毋任

法立弊生等因欽此仰見 朝廷念切民依立法必期盡善之至意欽佩莫名 臣愚竊謂事無大小必竭誠乃可致行非空言所能責效伏查康熙年間西路用兵之始卽 勅所司留意漢臣趙充國屯田三奏此後屯墾一應事宜均屬經奉 諭會議然後施行是以豐亨豫大聿著成效近來迭奉 諭旨飭令各省舉辦屯田墾荒而部臣第行一文冊疆臣第張一告示內外皆視為具文日久所以無成效也然疆臣亦非必故意延玩不欲舉辦殆亦無米難炊欲辦而不能耳蓋屯墾之事固戶部專政而兼隸工兵二部然舉辦之事有成效與否則有議敘議處承墾之或多或少則給實職虛銜其事皆隸吏部至各處安插之戶口人丁將來如何著籍應試其事又隸禮部遺犯中之官員軍民或集資率墾或量力受田將來應如何減免如何入籍其事又隸刑部名為屯田墾荒兩事同爲一事而實究其中之層累曲折則統關六部之事部臣苟不爲之定議以啟其端使疆臣各覓其委顧恐經此次 諭旨通飭之後各省仍舊畏難苟安成效卒不可觀矣 臣謹參酌方策成法條列事宜另繕清單恭呈 御覽可否 飭部妥議施行上諭御史汪鑑奏條列屯墾事宜繕單呈覽一摺著該部議奏單併發○丁巳諭軍機大臣等現在海防替後用兵浩繁必須通盤籌畫經理方足以裕度支而紓國用各該省關每年所入之款究竟實有若干其常年例需及現在派支防勇局卡餉需薪水各款實在費用若干此後常年可以裁減歸併節省

之款若干著切實敷計逐款分晰開單限於奉旨一月內詳細奏報毋得稍涉含混藉詞延緩○戊午李
秉衡蘇元春奏臣等前將遵 旨停戰依限撤兵會辦大概情形於本年三月二十四日由驛馳陳在案
當三月初一日停戰以後分踞船頭耶甲五靈法會備文知會請照津約分期撤兵各退邊界臣元春在
諒山營次選派委員分赴其營覆文通好旋據報該會以禮接待言詞尙屬恭順隨飭各松坡觀音橋
屯梅等處原駐各軍從十一日起陸續拔營連環退紮即於二十一日齊進南關臣與馮子材及諸統將
公同商酌並兩會臣秉衡從長計議亦復意見相同竊臣思法越構兵已經三載此次大彰 天討使其
震懾軍威赴津請和仰邀 俞允誠爲柔遠恤藩固圉安民起見凡有血氣欽感同深惟查粵西邊界分
隸南太鎮各府幅輦遼闊幾及千里除鎮南水口平南三關之外隘卡紛歧指不勝屈設防貴扼其要因
派記名提督安撫鎮總兵陳嘉率毅新鎮南全軍紮鎮南關而以記名提督方友升親軍二營繼其後復
又派記名提督蔣宗漢率廣武全軍紮關前隘同扼諒山來路其撫標中軍一營紮羅隘以杜間道總兵
馬盛治率熙字各營紮歸順州之平孟隴邦各隘總兵蔡簡宸率簡字一營紮鎮安關之那坡百南各隘
分扼牧馬保樂來路此爲主軍馮子材萃字全軍初紮平南關一帶茲於四月初一日奉 旨督辦欽廉
一帶防務自應欽遵辦理將所部各營如何調紮當由馮子材妥爲布置王德榜定邊楚軍全紮由隘以

扼文淵來路王孝祺勒軍暫紮杉橋兼顧龍州後路唐景崧景字十營分紮下凍土州一帶以通鎮邊聲
息亦便於策應各邊此爲客軍無事則訓練操防蓄養精銳務使兵歸實用餉不虛糜仍當確探敵情毋
稍疏忽如以背盟尋釁別有要求亦惟秣馬厲兵以期無患等語識短淺忝膺重寄深懼不勝惟有會
商在事諸臣和衷共濟隨機應變殫竭血忱庶幾仰副 聖明倚畀之至意奉 旨覽奏布達邊防情形
尙爲周妥仍著蘇元春會商妥爲辦理○庚申諭軍機大臣等雲南礦務曾於上年五月間諭令該督撫
廣集商力及時開採業據張凱嵩將籌畫探辦情形於上年五月本年正月兩次覆奏所稱紳民踴躍
開新礮四十餘處若何開辦牛泥塘一處礦苗最佳曾否辦有成效胡家楨等招集商股已否集有鉅款
目下軍務已定亟應擴充礦務認真開採以期規復舊額著岑毓英張凱嵩等飭所屬實心籌辦並催令
在滬委員趕緊集股赴滇務須事事取信商民以期有裨時局一面將現辦情形迅速覆奏將此由
五百里各諭令知之○辛酉 上諭 大高殿 時應宮祈雨○諭吏部奏遵議處分一摺雲貴總督岑
毓英應得革職留任處分著加恩改爲降二級留任○以楊岐珍爲江南狼山鎮總兵○興廉游百川奏
本月初四日承准軍機大臣交出本日面奉 諭旨給事中洪良品奏倉務積疲請飭整頓一摺倉務積
弊已深亟應整剔該給事中所陳各條著倉場侍郎悉心酌核妥議具奏欽此並將原奏鈔交前來等

竊維倉儲積弊日久且深亟求整頓必先究其致弊之由未有不知弊之所在而漫言整頓者也臣等自受任以來隨時隨地無不就兢以去弊爲心有因時制宜漸收實效者有積重難返驟難悉除者謹卽該給事中所陳各條明辨其是否可行並就臣等思慮所及覲縷悉述敬爲 皇太后 皇上陳之原奏謂各倉偷漏由於封鎖不嚴查存米各廠歷經臣等於完漕後發給長封嚴密封固其未經放竣之零厥例由都統御史封識然每歲大雨時行監督例得啟封查看俾免米石因滲漏侵漏又新收之米不無因熱回潮該監督亦應察看分廠挑瞭歷辦章程如是夫嚴密關防固爲慎重倉儲要事然查從前倉虧各案動輒盈千累萬而謂偷漏之弊係乎封鎖與否則實不盡然若如該給事中所議各倉鑰匙或存倉場侍郎或存倉御史收管查收放米石遲早無定臣等自春歷夏經秋遠駐通州各倉分隸都城內外與查倉御史住址遠近不同隨時請鑰不但往返稽遲且恐諸多牽制實有未便擬請仍照常責成輪班值宿之監督一手收掌由臣等嚴飭監督於收放之際逐日親自封鎖不得假手花戶其有不遵定例封鎖或挑瞭查看不行報明臣衙門者卽由臣等查參庶事無旁貸而責有攸歸矣又原奏謂土米存倉易起攙和之弊查各倉發糶土米久未查辦蓋從前錢漕不下四百萬石倉儲之米陳陳相因故有分年糶變土米之例自減漕折徵以後收數僅三分之一雖有土米而不能發糶者一因收倉年分未久旋卽支放例

不准揭除氣頭激底一恐倉役藉便夾帶好米出賣故三十年來未經舉辦然而米質已變者照例不准揭除各旗不肯關領歷年既久積而愈多損傷折耗實爲各倉之大累等惟有嚴飭監督查看各廠於現在收存之米勤加挑晾毋使稍有霉變庶米色不致顯有差池而攪和情弊可期漸除矣又原奏驗米色以核收數一條據稱近來入倉之米中途中有潑水攪沙等弊及每石短少一二升等語查各省運進米石上等親臨查驗必須乾潔方准斛收起運其由通至橋派委員升節節防查至由橋運倉亦有武升押送何來攪和情事或有起運之際驟然遇雨者亦必札飭該監督在倉風晾乾燥再行入廠其米袋到倉例准抽起如有短少歸於車戶名下應賠於倉儲實收並無所損原奏所稱攪和短少或係傳聞之誤至於放米之時御史例得在倉稽查應山等通飭監督每逢收米之日先行報明御史以便臨倉查察並如該給事中所擬各倉支應收放人役均以已正齊集不得稍有遲延以免貽誤又原奏估修廩座一條查京城各倉自光緒元年擇要興修其未經修理之廠誠如該給事中所奏現有坍塌日甚情形前經臣等咨明工部查勘嗣准擬辦雖有應修各工惟經費支絀暫擬緩修等語既經該給事中指陳臣等自應嚴飭各倉監督查看應修廩座分別輕重情形據實詳明山等循照辦過成案籌款奏明興修總期工歸實用帑不虛糜至如何辦法方臻核實等另行附片奏請候 旨遵行又原奏嚴制防以馭花戶

詳考察以課監督查各倉花戶有額役有散役額役雖有定數而其實多寡不同散役人等無非著名花戶所援引非其戚黨卽其友朋總屬通同一氣該給事中諸令花戶分版管領意謂各有責成而有無弊實仍不能出額役之圈套所議之法恐未必得力該花戶之良莠視監督爲轉移苟監督得人則全倉可以望治如不得人則諸務逐漸廢弛此中情事久在 聖明洞鑒之中臣等於所屬各員密爲體察遇有庸劣不職者立卽撤回才堪造就者勸加訓練其辦事勤慎之員無不按照章程奏留奏保是監督之勸懲已極詳慎計惟有隨時嚴飭實力防維以期倉務日有起色並請 飭下戶部轉行各衙門於保送倉差時慎選明幹廉正之員庶有治人乃有治法矣總之倉版之隱患在於虧短虧短之情弊在於偷漏而偷漏之原由有出於私者有迫於官者前聞匪徒私行偷竊並不由版門出入名曰掉扇盜米數十百石猶是暗偷其最甚者實由不肖監督與執法之花戶勾結串通私行開放照檔此弊花戶不能自作未有監督不知情者臣等莅任後刻刻嚴防監督中有素行不謹聲名平常者不待顯有劣跡卽登時撤任咨回原衙門當差計已六七員名現各倉監督似皆有帶畏之心不敢妄爲臣等仍時時嚴密訪查不敢稍涉疏懈此弊之出於私者防之務盡也其弊之迫於官者按例充當花戶皆係殷實良善平民相沿既久則良善者絕少而作弊又非盡無因查定例各旗開放甲米先儘存倉較陳之米書寫版名公同驗單此

近年關領甲米時往往不按關廠編倉挑揀偶有攔阻卽鞭撻立下監督稍涉庸懦率行畏避直待花戶向跟隨人等私用使費說合始行竣事而運往內務府交米亦不免需索抑勒花戶之錢從何而出無非取給於米石此弊之迫於官者也然此等弊風花戶隱忍而不敢言監督畏愆而不敢專事屬曖昧弊實實難遽除相應請 旨嚴飭各該衙門嗣後領米務遵照定例按關墾廠庫支領倘米價驟變不堪食用准各旗據實糾參如米價尙好不得任意挑剔藉端訛索庶關廠成法不復視為具文等如開議尙不認真辦理有前項情弊監督則立予撤參花戶則從重治罪此澄治本源切求整頓之愚慮也 上諭前據給事中洪良品奏倉務積弊請飭整頓一摺當諭令倉場侍郎酌核議奏茲據奏稱遵行酌議整頓倉務各條所陳各倉鎖鑰仍責成監督收掌及存倉土米未便發糧驗收米色嚴飭稽察各節均著依議行至嚴禁花戶偷漏全在該監督等實心經理方能弊絕風清嗣後各衙門保送倉差務各慎選明幹廉正之員不得以才具平庸者濫竽充數致滋弊竇監督花戶如有串通勾結以致虧短倉儲著該侍郎隨時認真訪查分別從嚴參辦其各旗關領甲米著循舊章辦理○壬戌以徐樹銘署都察院左副都御史○癸亥以京師待雨 上詣 大高殿報謝○諭岑毓英奏查明宣光臨洮獲勝出力人員分案請獎開單呈覽一摺上年十一月暨本年二月間岑毓英督飭官軍先後在宣光臨洮等處大獲勝仗主事唐景

提督劉永福總兵何秀林丁槐豐修綱等將隊進剿甚為得手岑毓英調度有方懋著勞勩著加賞一
雲騎尉世職並交部從優議敘在事出力員弁均屬著有微勞自應量予獎敘總兵何秀林著交部照一
等軍功從優議敘丁槐著交軍機處記名遇有提督缺出請旨簡放並賞換哈希巴圖魯名號提督劉永
福著賞給依博德恩巴圖魯名號並賞給三代一品封典楊國發吳永安劉興均著交部從優議敘總兵
雷應山著賞換順甌巴圖魯名號並賞給三代一品封典黃河洲著賞加提督銜並賞換芬琛巴圖魯
名號副將何秀峯著賞加提督銜並賞給三代一品封典李章著賞給都陸領巴圖魯名號並賞戴花翎
李福興楊發貴均著賞加總兵銜李福興並賞換齊木沁巴圖魯名號楊發貴並賞換喀勒洪伊巴圖魯
名號參將馬維驥等八員均著免補參將以副將儘先補用馬維驥並賞給博多歡巴圖魯名號莫逢春
並賞給喀勒春巴圖魯名號陸鳴皋並賞給富隆阿巴圖魯名號謝有功並賞給糧特木巴圖魯名號陸
海瀾並賞給謀勇巴圖魯名號李成興並賞換富呢雅罕巴圖魯名號楊萬才並賞換法福凌阿巴圖魯
名號馬中駉並賞換花翎包于蓮著賞給強勇巴圖魯名號並賞戴花翎柳秉象等二員均著補缺後以
副將升用並賞給二品封典游擊張世榮著免升參將以副將留於雲南儘先補用並賞給綽勒狄巴圖
魯名號張文舉等五員均著免補免升以副將儘先補用張文舉並賞給且勇巴圖魯名號董義孫紹並

賞戴花翎黃綬並賞給果勇巴圖魯名號梁松生並賞給精勇巴圖魯名號馬連發並賞給健勇巴圖魯名號張燾等二員均著俟補缺後以參將升用張燾並賞給二品封典王大長並賞給勛勇巴圖魯名號加副將銜汪承著賞換花翎並加副將銜都司朱明新等九員均著免補都司以游擊儘先補用朱明新並賞給精騎巴圖魯名號何儒珍並賞給烏勒布蘇巴圖魯名號朱明新並賞戴花翎馬超鴻並賞給蘇喀巴圖魯名號沙懷珠等五員均著賞加副將銜沙懷珠並賞給綬勇巴圖魯名號彭永壽並賞給利勇巴圖魯名號賞換花翎守備楊春標等十二員均著免補守備以都司儘先補用楊春標等二員並賞加副將銜楊春標並賞給濟勇巴圖魯名號王世雄並賞給侃勇巴圖魯名號馬白珍等三員並賞加副將銜劉美並賞戴花翎黃自新並賞給碩勇巴圖魯名號孫自美等六員並賞加游擊銜賞戴花翎千總王天祿等二十一員均著免補千總以守備儘先補用並加游擊銜賞戴花翎把總馬富春等二十六員均著免補把總以千總儘先補用並加都司銜賞戴藍翎銜千總職銜莫若璜著以千總儘先補用並賞給五品頂戴藍翎外委何紹宗等六員均著免補外委把總以千總儘先補用並賞給五品頂戴藍翎道員陳席珍著留於雲南遇有道員缺出儘先題補知府張勝嚴著免補知府以道員仍留原省補用丁彥著賞加三品銜同知覃克振著仍以本班前充補用俟補缺後以知府用並賞加三品銜張邦彥等二員均

新免補本班以知府留於雲南補用夏聲驤著仍以本班留於雲南歸候補班遇缺前先補用俟補缺送部引見潘德繼著賞加知府銜李樹人等三員並著賞戴花翎知縣秦定基著以本班仍留原省前知補用補缺後以同知用並賞戴花翎直隸州州判李春霖著免補本班以知州仍留原省前知補用並賞戴花翎知縣杜嗣音等二員均著以知縣分發省分歸候補班前知補用並加同知銜縣丞端木鴻均著免補本班以知縣仍留原省儘先補用並賞給五品頂戴藍翎通判周行鑑著免補本班以同知仍留原省前知補用並賞換花翎劉成良著免選本班以知州留於雲南儘先補用知縣徐鳳池著免補本班以知州改留雲南前知補用州判胡景春著免補州判知縣以同知分發省分儘先補用並加知府銜州同韓光文著免補本班以知州仍留原省前知補用州判楊傑基著免補本班以知州分發省分前知補用並賞換花翎宋德成等三員均著免補本班以州同仍留雲南補用並賞戴藍翎縣丞柏昇著免補本班以州同仍留原省補用並賞戴藍翎知縣李建鼎著註銷知縣改以教諭不論雙單月遇缺儘先補用並加五品銜教諭李士賢著以本班不論雙單月遇缺前先選用並加五品銜訓導覃廷獻著免選本班以知縣分發省分儘先補用並加五品銜賞戴藍翎巡檢李寶蕃著免補本班以州判仍留原省儘先補用並賞戴藍翎從九品吳榮森著免選本班以州判留於雲南前知補用並加五品銜賞戴藍翎杜寶等六

員均著免選本班以州判分省前先補用並加知州銜周文盛著免選本班以縣丞不論雙單月選用六品銜李桂林著免補本班以府經歷留於雲南補用並賞戴藍翎州吏目祝爾善著以本班改留雲南儘先補用知州銜何沛霖著以鹽課大使分發省分歸候補班前先補用祝爾善等二員並賞戴藍翎以生王運恆著以教諭不論雙單月儘先選用生員王炳南等七員均著以訓導不論雙單月儘先選用並賞加國子監典簿西楊杏瞻著以縣丞留於雲南前先補用杜景春等三員均著以州吏目留於雲南補用李正榮等二員均著以縣丞分發省分前先補用楊杏瞻等六員並賞戴藍翎參將王寶華等均著免補參將以副將遇缺儘先補用王寶華並賞加總兵銜賞給額騰依巴圖魯名號張金泰並賞給執勇巴圖魯名號劉九如並賞加總兵銜鄒全鴻著以副將仍留原省儘先補用都司盧貞著免補都司以游擊遇缺儘先補用並賞加副將銜賞給勳勇巴圖魯名號游擊劉泰清等二員均著免補游擊以參將儘先補用並賞加副將銜都司鄒培著免補都司以游擊仍留原標儘先補用並賞加副將銜副將魏雲勝著免補副將以總兵記名簡放守備齊鴻昌等二員均著免補守備以都司儘先補用並賞換花翎教諭吳琳助著免補本班以知縣分發省分補用並加五品銜賞換花翎童生蕭彤壽著以從九品不論雙單月儘先選用並賞加六品銜賞戴藍翎記名總兵雲南武定營參將單修綱著開參將缺交軍機處記名遇

有提督總兵缺出請旨簡放並賞給三代一品封典副將陸春著賞加提督銜並賞給綽克綽歡巴圖魯名號參將李世興等三員均著免補參將以副將儘先補用李世興並賞給肅勇巴圖魯名號顏雲芳並賞給赫勇巴圖魯名號盧得志著賞給卓勇巴圖魯名號游擊梁鴻福等三員均著免補游擊以參將留於雲南儘先補用並加副將銜梁鴻福並賞給奴勇巴圖魯名號都司梁世龍著免補都司以游擊儘先補用並加副將銜賞換花翎守備袁用和等六員均著免補守備以都司儘先補用袁用和等五員並著賞戴花翎袁用和並加副將銜卓金鐘等二員並加參將銜千總莫矜智等二員均著免補千總守備以都司儘先補用莫矜智並加游擊銜賞戴花翎謝嘉德並賞換花翎卓高魁等七員均著以都司儘先補用並賞戴花翎羅聖華等七員均著以守備儘先補用並加都司銜並賞戴花翎黃崑等十一員均著以守備儘先補用並加都司銜賞戴藍翎軍功湯宗政等八員均著以千總儘先補用並加都司銜賞戴花翎把總羅學成等五十五員均著以千總儘先補用並賞給五品頂戴藍翎知府楊景修著以道員仍留原省補用黃金樹等二員均著賞加鹽運使銜知縣王續威著免補知縣以同知直隸州知州仍留雲南歸候補班前先補用俟補缺後送部引見並賞加知府銜知州江海清著仍以知州歸候補班前先補用並賞加運同銜知縣周濟泰著免補本班以同知直隸州知州仍留原省歸候補班前先補用俟補缺後

送部引見並賞加知府銜江海清等二員並賞戴花翎吏建中著俟補缺後以同知直隸州知州前先用並賞加四品銜先換頂戴韓再闢著仍以知縣歸候補班前先用俟補缺後以同知直隸州知州補用並賞加四品銜先換頂戴胡景賢著以本班仍分發省分歸候補班前先用俟補缺後以直隸州知州前先用韓再闢等二員並賞戴花翎傅恩榮著免補本班以直隸州知州分發省分歸候補班遇缺前先補用並賞加知府銜賞給四品封典楊增芳著免補本班以知州留於廣東歸候補班前先用並賞加運同銜賞換花翎州判周政著免選本班免補知縣以直隸州知州分發省分歸候補班前先用布政使經歷白秀權著免補本班以知州仍留原省歸候補班前先用周政等二員並賞戴花翎州判蔣世熙著免補本班以知州仍留原省前先用並賞加運同銜縣丞黃如鈺著免補縣丞知縣以知州仍留原省歸候補班遇缺前先補用蔣世熙等二員並賞換花翎鹽課大使孫遐年著免補本班以知縣分發省分前先用並賞加知州銜從九品李鍾辰著免選從九品免升縣丞以知縣分發省分歸候補班遇缺前先補用並賞加知州銜陳虞昌著免選本班免升縣丞以州判仍留原省前先用並賞加五品銜賞戴花翎吏目朱德爵等二員均著免補本班以鹽課大使仍留雲南歸候補班遇缺前先補用朱德爵並賞給五品頂戴花翎從九品職銜蔡發慶等二員均著以鹽大使留於雲南歸候補班遇缺前先

補用蔡發慶並賞給五品頂戴藍翎鄧環文並賞加五品銜縣丞李登雲著以州同仍留原省前先補用並賞加知州銜賞戴花翎生員戚勳等三員均著以訓導不論雙單月遇缺前先選用並賞加國子監典籍銜從九品展嘉祥等三員均著以監課大使留於雲南前先補用並賞加六品銜賞戴藍翎生員張兆桂等三員均著以縣丞留於雲南前先補用並賞給六品頂戴藍翎龍觀光等九員均著以縣丞分發省分補用並賞給六品頂戴藍翎童生章國泰等二員均著以巡檢留於雲南歸候補班前先補用章國隆著以州吏目留於雲南歸候補班前先補用章國泰等三員並賞給六品頂戴藍翎文廷瓚著以巡檢留於雲南前先補用並賞戴藍翎其所請開復革職降補文武各員並免繳捐復銀兩之處均著該部議奏單內守備孫自貴又作孫自美把總沙如禮又作沙如理前後錯誤著查明咨部更正另片奏前雲南藩司剛毅主事唐景崧道員湯聘珍等請行獎勵各等語剛毅著交部從優議敘唐景崧著賞戴花翎並交軍機處存記候旨簡用湯聘珍等著交軍機處存記過有道員缺出請旨簡放欽奉 慈禧端佑康頤昭豫莊誠皇太后懿旨所有雲南官軍及唐景崧劉永福等所部各軍尤爲出力兵勇著共賞給內帑銀一萬兩由岑毓英分別發給以示鼓勵欽此餘著照所議辦理該部知道○諭軍機大臣等有人奏廣東關姓弊竇滋多本年惠州科考將廖鍾王三大姓全數禁不覆傳文出彭三備姓全數獲傳榜發士

子拆毀署門幾釐巨案旋經該督撫飭拿鄉鄰之人並將所獲之彩七十萬元提充軍餉學臣因病任聽
幕友家丁放膽鄉鄰請飭澈查等語前有人奏葉大炮串通幕友鄉鄰貪得無厭各節當令張之洞確查
具奏茲據所奏該學政考試惠州幕友家丁鄉鄰情形大略相同且有厨人賄進巴豆湯致該學政腹瀉
不能過卷等情此案迭經被人參奏必應徹切根究以期水落石出蓋張之洞併入前奏未公確查據實
具奏毋稍徇隱其所指提充軍餉七十萬元一節究竟有無其事著一併覆奏原摺鈔給閱看將此諭令
知之○甲子諭軍機大臣等雲南廣西關外均已撤兵所有餉超一軍自應迅速遣撤以節餉需著該提
督督飭將弁將各營所領鎗礮器械一律呈繳點驗造冊就近移交岑毓英收存該軍所需餉銀即著丁
寶楨迅速撥解應用未解到以前著岑毓英先行撥墊再由四川歸欵將此由五百里諭令知之○諭蘇
元春李秉衡奏官軍迭次克城破壘請將出力陣亡員弁分別獎卹一摺廣西關外各軍本年正月間
經蘇元春馮子材等督飭力戰屢獲大勝官屬盡度有方深堪嘉尚蘇元春著加恩由騎都尉世職改為
三等輕車都尉世職並再徵給額爾德蒙額巴圖魯名號馮子材著賞加太子少保銜並由騎都尉世職
改為三等輕車都尉世職南關一役總兵王孝祺已革布政使王德榜戰功卓著王孝祺著賞給雲騎尉
世職並交部從優議敘王德榜著開復原官原銜翎枝勇號並賞給白玉搬指一個白玉翎管一枝大荷

包一對小荷包二箇總兵陳嘉提督蔣宗漢方友升張春發均能奮不顧身踴躍用命陳嘉著賞給頭品頂戴雲騎尉世職並賞給白玉搬指一箇白玉翎管一枝大荷包一對小荷包二箇蔣宗漢著賞給頭品頂戴並賞給白玉搬指一箇白玉翎管一枝大荷包一對小荷包二箇方友升著賞給雲騎尉世職並白玉搬指一箇白玉翎管一枝大荷包一對小荷包二箇張春發著賞給三代正一品封典並交部從優議敘兩廣總督張之洞撥軍餉餉用奏請功護理廣西巡撫按察使李秉衡轉運後路糧械俾無缺乏允宜一體加恩張之洞著賞戴花翎李秉衡著交部從優議敘其餘在事員弁均何著有勞績自應一併給獎所有單開之楊文彪等均著賞穿黃馬褂劉先奇著賞給頭品頂戴並應得封典仰升堂著賞換西林巴圖魯名號胡定坤著賞換倭協春巴圖魯名號吳為漢著賞給齊新巴圖魯名號並改留廣東差遣委用總兵潘濂等均著交軍機處記名遇有提督缺出請旨簡放潘濂並賞給雙勇巴圖魯名號張壽安著賞換那爾揮巴圖魯名號劉士旺並賞給雙勇巴圖魯名號鄒耀奎著遇有總兵缺出請旨簡放副將馬盛治著以本班改留兩廣無論題推缺出儘先補用俟補缺後以總兵交軍機處記名請旨簡放並賞穿黃馬褂陳桂林等均著俟補缺後以總兵交軍機處記名簡放陳桂林並賞加提督銜賞穿黃馬褂楊昌魁並賞換年長阿巴圖魯名號賞給應得封典仍以副將留於原省無論題推缺出儘先補用馮兆金等均

著免補副將以總兵交軍機處記名簡放馮兆金並賞換愛興阿巴圖魯名號關木材並賞給猷勇巴圖魯名號周文斌並賞給倬勇巴圖魯名號李應章著仍留廣東無論提推缺出儘先補用並賞加總兵銜微換副將巴圖魯名號李章著留於廣西無論提推缺出儘先補用並賞給卓勇巴圖魯名號參將聚成和等均著以總兵交軍機處記名簡放聚萬和並賞給猷勇巴圖魯名號陳兆興並賞給順勇巴圖魯名號黃雲高均著免補參將以副將仍留原省無論提推缺出儘先補用黃雲高並賞加總兵銜梁效賢並賞換花翎賞給猷勇巴圖魯名號陳光明等均著免補參將以副將儘先推補陳光明並著賞給壯勇巴圖魯名號范爾慶並賞給固勇巴圖魯名號黃有元並賞給冠勇巴圖魯名號游擊楊瑞山著免補游擊參將副將各班以總兵交軍機處記名請旨簡放並賞給策勇巴圖魯名號袁學祥著免補游擊參將仍留廣東以副將儘先補用並賞給尚勇巴圖魯名號劉應棠等均著免補游擊參將以副將遇缺儘先即補劉應棠並賞給勤勇巴圖魯名號王榮勝並賞給懋勇巴圖魯名號馮興賢並賞給寶勇巴圖魯名號李慶雲著免補游擊以副將遇缺題補蔣太富等均著免補游擊以參將儘先補用蔣太富並賞加副將銜賞給猛勇巴圖魯名號章和炳並賞加副將銜陳顯道著賞加副將銜並賞給札布東阿巴圖魯名號都司馮保珠著免補都司游擊參將各班以副將儘先補用並賞給蒙勇巴圖魯名號劉積瑞等均著免

補都司游擊以參將儘先補用劉積瑞並賞給總勇巴圖魯名號麥鳳標並賞給協勇巴圖魯名號沈萃齡等二員並賞換花翎陳世華等均著免補都司以游擊儘先補用陳世華等三員並賞加副將銜賞換花翎章得祿等四員並賞換花翎段耀元並賞加副將銜傳建勳等二員並分別留於廣東廣西補用守備王孝良等均著免補都司守備游擊各班以參將留於廣東儘先補用王孝良並賞換花翎賞給力勇巴圖魯名號葉良並賞加副將銜王世評並賞換花翎陳之瑞等均著免補都司守備以游擊儘先補用並賞換花翎陳之瑞仍留原標補用黃秀均等均著免補守備以都司儘先補用黃秀均等三員並賞戴花翎彭俊奎等二員並賞換花翎千總朱錫康等均著免拔千總免補守備以都司儘先補用朱錫康等三員並賞戴花翎李榮彪等二員並賞換花翎朱錫康留於廣西遇有提推缺出儘先補用葉華泉等均著免拔千總葉華泉並免補守備以都司儘先補用許超元等均以守備儘先補用並賞加都司銜賞換花翎利貴升著免拔千總以守備儘先補用並賞加都司銜把總楊樹勳著免補千總以守備儘先補用成江志等均著免補千總把總以守備儘先補用楊樹勳等二員並賞戴花翎王啟光等二員並賞換花翎李慶華並賞加都司銜潘烈著著免拔把總以千總儘先拔補並賞加守備銜賞換花翎黃彪等均著免拔把總外委以千總儘先拔補並賞戴藍翎道員程綱著賞給獎勇巴圖魯名號張桂林著賞加布政

使銜以道員遇缺儘先題奏知府陳嘉績著免補本班以道員仍留原省歸候補班前補用並俟補缺後再行送部引見同知潘培楷著免補本班以知府仍留原省歸候補班前補用並俟補缺後以道員用馮相榮著免補本班以知府留於廣西歸候補班前儘先補用並賞加三品銜知縣劉汝奇著免補知縣同知以知府仍留原省歸候補班前先補用並賞戴花翎賞給裕勇巴圖魯名號同知馮相華著免補本班以知府分發省分歸候補班前補用府經歷沈寶光著免選本班以知縣留於廣西歸候補班前先補用補缺後以直隸州知州用先換頂戴直隸州州判唐鏡沅著免補本班以知州仍留原省歸候補班前補用並賞戴花翎縣丞包懷邦等均著免選本班以知縣分發省分補用包懷邦並賞加五品銜尹佑易並歸候補班前補用訓導李肇同著以訓導不論雙單月遇缺卽選並賞加內閣中書銜賞戴藍翎生員方鳳元著以訓導不論雙單月儘先選用並賞戴藍翎府經歷蔡其銘著免補本班以知縣歸於廣東儘先補用並賞加同知銜賞換花翎已革提督王洪順已革副將李定勝隨同大軍打仗奮勇爭先尙知愧勉均著開復原官並賞還頂戴翎枝勇號欽奉 慈禧端佑康頤昭豫莊誠皇太后懿旨蘇元春所部尤爲出力兵勇著共賞給內帑銀五千兩馮子材王孝祺王德榜所部各軍尤爲出力兵勇著共賞給內帑銀五千兩由蘇元春李秉衡分別發給以示鼓勵欽此其陣亡之總兵孫得勝等均著照所請分別從優議

郵餘均照所議辦理該部知道○諭軍機大臣等楊岳斌奏籌辦臺灣防務澎湖基隆滬尾三海口均須長泊快兵船一隻修造礮臺運辦各料須裝貨船二隻請飭南北洋分撥快船三隻福建船政速撥裝貨船二隻到臺備用等語臺灣所需各船能否照數撥往著李鴻章曾國荃裴蔭森奏明辦理至各船到臺之後餉項如何發給並著妥議具奏將此山四百里諭知李鴻章曾國荃並傳諭裴蔭森知之○乙丑以林維源爲內閣學士○丙寅予故總督張樹聲在直隸江蘇地方建立專祠○頒給南陽浙川廳城隍廟龍神祠匾額○丁卯諭前因御史方汝紹奏城隍歲久失修亟宜疏濬當令工部妥議具奏茲據該部奏稱查得內外城護城河共長一萬四千餘丈節節淤墊橋梁間斷亦多傾圮酌擬次第辦法請旨遵行等語京師內外城護城河自道光十三年興修以後迄今五十餘年未經挑挖河身日淤河面日窄每逢大雨水無所歸自應及時修濬以資宣洩現有近畿勇營當令其挑挖此河工程較之僱募民夫易於集事著派張曜督率所部步隊十營及馮南斌二營將木四營查照該部挑挖辦法將積淤挑除淨盡俾河道一律深通其有未盡事宜及臨時必須變通之處統由該營隨時隨地相度情形咨商該部辦理所有派出勇丁卽著張曜督飭各該營官嚴加約束並著步軍統領衙門一體稽察彈壓毋任滋生事端○以張曜爲廣西巡撫唐仁廉爲廣東陸路提督蘇元春爲廣西提督